

*MASTER
NEGATIVE
NO. 91-80299-5*

MICROFILMED 1991

COLUMBIA UNIVERSITY LIBRARIES/NEW YORK

as part of the
“Foundations of Western Civilization Preservation Project”

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States -- Title 17, United States Code -- concerns the making of photocopies or other reproductions of copyrighted material...

Columbia University Library reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR:

KLOTZ, REINHOLD

TITLE:

ADNOTATIONUM AD
CICERONIS...

PLACE:

LIPSIAE

DATE:

[1869-70]

Master Negative #

91-80299-5

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

870L1

DZ6

Klotz, Reinhold, 1807-1870.

Adnotationum ad Ciceronis epistolarum ad Atticum
missarum libros particula prima [-altera, quam...
edidit Reinholdus Klotz... Lipsiae, prostat apud
A. Edelmannum, [1869-70]
2 pts. 27 cm.

VOLUME OF PAMPHLETS

Restrictions on Use:

TECHNICAL MICROFORM DATA

FILM SIZE: 35 mm

REDUCTION RATIO: 13 1/2

IMAGE PLACEMENT: IA (IIA) IB IIB

DATE FILMED: 10-24-91 INITIALS M. B.

FILMED BY: RESEARCH PUBLICATIONS, INC WOODBRIDGE, CT



PART 1



AIM

Association for Information and Image Management




1100 Wayne Avenue, Suite 1100
Silver Spring, Maryland 20910
301/587-8202



Centimeter



Inches



MANUFACTURED TO AIM STANDARDS
BY APPLIED IMAGE, INC.

3 pt. 1

ADNOTATIONUM AD CICERONIS EPISTOLARUM AD ATTICUM MISSARUM
LIBROS PARTICULA PRIMA
QUAM AD RENUNTIATIONEM
PHILOS. DOCTORUM ET AA. LL. MAGISTRORUM
RECTORIBUS MAGNIFICIS

GUILIELMO THEOPHILO HANKEL
REGI SAXONIAE E CONSILIO AULAE SANCTIORE PHILOSOPHIAE DOCTORE PHYSICES PROFESSORE PUBLICO ORDINARIO
DOCTORE MEDICINAE UNIERSITATIS LITT. LIPSIENSIS HONORARIO ORD. REG. SAX. VIRTUTE AC FIDE BENE
MERITORUM EQUITE CET.

ET

BENNONE BRUNONE BRÜCKNER
PHILOSOPHIAE ET THEOLOGIAE DOCTORE HUIUSQUE PROFESSORE PUBLICO ORDINARIO CONTIONATORE UNIERSITATIS
LITT. LIPSIENSIS PRIMARIO SEMINARII THEOLOGIAE PRACTICAE ITEMQUE COLLEGII CONTIONATORII AD AEDEM ST.
PAULI DIRECTORE ECCLESIAE CATHEDRALIS MISNENSIS CANONICO CAPITULARI REGII SAXONICI CONSISTORII ECCLE-
SIASITICI CONSILIARIO ATQUE ADDESSORE ORDINIS REGII SAXONICI VIRTUTE AC FIDE BENE MERITORUM COMMENDARIO
ORDINIS MAGNIDUCALIS HASSICI PHILIPPI MAGNANIMI EQUITE PRIORIS CLASSIS CET.

DECANIS

REINHOLDO KLOTZ
PHILOSOPHIAE DOCTORE PHILOGOGIAE CLASSICAE PROFESSORE PUBLICO ORDINARIO SEMINARII REG. PHILOL.
DIRECTORE ORDINIS REGII SAXONICI VIRTUTE AC FIDE BENE MERITORUM EQUITE CET.

ET

GUILIELMO THEOPHILO HANKEL
QUI SUPRA NOMINATUS EST

PROCANCELLARIO

OTTONE LINNAEO ERDMANN
PHILOSOPHIAE ET MEDICINAE DOCTORE CHEMIAE PROFESSORE PUBLICO ORDINARIO REGI SAXONIAE E CONSILIO
AULAE SANCTIORE ORDINIS REGII SAXONICI ALBERTINI ET MAGNIDUCALIS BADENSIS A SIGNO LEONIS
ZARINGENSIS EQUITE CET.

INDE A PRIMO DIE MENSIS MAII A. MDCCCLXVIII USQUE AD DIEM
TRICESIMUM MENSIS APRILIS A. MDCCCLXIX.

CREATORUM INDICENDAM

EDIDIT

REINHOLDUS KLOTZ
PANEGYRISTA UNIERSITATIS LITT. LIPSIENSIS.

LIPSIAE

PROSTAT APUD A. EDELMANNUM
BIBLIOPOLAM UNIERSITATIS.

1868/69.

Quum nuper epistolas a M. Tullio Cicerone ad T. Pomponium Atticum missas relegerem, ut alteram editionem Teubnerianam adornarem, facile intellexi esse etiam post egregiam operam a Fr. Hofmanno, I. C. G. Bootio, Io. Georg. Baitero in illis libris positam relictam nonnulla, quae aut aperte falsa aut certe dubia admodum esse uiderentur. Ex his ego locis iam quosdam electurus sum, de quibus paullo copiosius dicam.

Ac primus quidem locus, de quo dicam, legitur in Ciceronis *epistolarum ad Atticum* lib. I. ep. 17. § 9. Ibi de postulationibus equitum agitur, quae prolatae essent in senatu Kal. Decembribus et postridie anno p. u. c. DCXCIII. De ea re, quae nondum ad finem perducta erat, iam Cicero, ut nunc fere uerba eduntur, ita scribit ad Atticum: *neque adhuc res confecta est, sed uoluntas senatus perspecta. Unus enim contra dixerat Metellus consul designatus. Quin erat dicturus, ad quem propter diei breuitatem peruentum non est, heros ille noster Cato.* Recte tamen iam Bootius intellexit ascensum illum orationis, qui esset in uerbis: *quin erat dicturus* etc., hic locum non habere. Sed quod ille suspicatur scribendum esse aut *atque erat dicturus* aut transpositis uocibus *eratque dicturus*, ea ego conprobare propterea non possum, quia et recedunt nimium a librorum scriptura nec bene orationem conectunt. Illud enim, quod nunc uolgo legitur: *quin erat dicturus*, est profectum a Simeone Bosio, in cod. Mediceo et editionibus uetustioribus legitur: *qui erat dicturus*. Quod quum ita sit, in codice archetypo credo ego non *qui* fuisse scriptum, sed *quū*, itaque hunc locum iam ita constituendum esse existimo: *neque adhuc res confecta est,*

sed uoluntas senatus perspecta. Unus enim contra dixerat Metellus consul designatus, quem erat dicturus, ad quem propter diei breuitatem peruentum non est, heros ille noster Cato. Qua recepta scriptura et ratio temporis recte seruata est et oratio apte uincta nec scriptio antiquitus tradita maiorem in modum commutata.

In epistola, quae sequitur, 18. § 2. queritur Cicero de miserrimo rei publicae statu, qui fuerit initio anni p. u. c. DCXCIII., et haec, quae uolgo ita eduntur, uerba ponit: *Nam ut ea breuiter, quae post tuum discessum acta sunt, colligam, iam exclames necesse est res Romanas diutius stare non posse. Etenim post protectionem tuam primus, ut opinor, introitus fuit in causam fabulae Clodianae, in qua ego nactus, ut mihi uidebar, locum rescandae libidinis et coercendae inuentutis, uehemens fui et omnes profundi uires animi atque ingenii mei, non odio adductus alicuius, sed spe corrigendae et sanandae ciuitatis. Adflicta res publica est empto constupratoque iudicio. Uide quae sint postea consecuta. Consul est inpositus is nobis, quem nemo praeter nos philosophos aspicere sine suspirio posset. Quantum hoc uolnus! Facto senatus consulto de ambitu, de iudiciis, nulla lex perlata, exagitatus senatus, alienati equites Romani. Sic ille annus duo firmamenta rei publicae per me unum constituta euerit: nam et senatus auctoritatem abiecit et ordinum concordiam disiecit.* Ad quae uerba corrigenda quamquam codicis Medicei testimonium adhibere non possumus, ea tamen, quae in exemplis litterarum formis expressis uetustioribus habentur, eius modi sunt, ut inde quaedam satis tuto in his uerbis mutari posse uideantur. Ac primum quidem in uerbis: *in qua ego (causa) — uehemens fui et omnes profundi uires animi atque ingenii mei*, admodum debilis mea quidem sententia uox *uehemens fui* est, quum sequantur haec uerba: *et omnes profundi uires animi atque ingenii mei*. Quum igitur e codice, cuius scripturae in margine exempli Cratandri adnotatae sunt, pro *fui* enotetur *flui*, id quod Baiterus neglexit adnotare, hanc ego scripturam sine ulla dubitatione recipiendam esse existumo. Oratio Ciceronis Latina exprimit Graecum uerbum *φυσᾶν*, qua de re conferri possunt Sophoclei uersus, quibus Cicero utitur in his ipsis epistolis lib. II. ep. 16. § 2. *φυσᾶ γὰρ οὐ μικροῖσιν ἀλλήλοισι ἐτι, ἄλλ' ἀγρίαις φύσαισι, φορβεῖα δ' ἄνθρωποι*. et locus Quintiliani lib. XII. c. 6. § 5., ubi

Latinum uerbum simili sententia ponitur in uerbis his: *at illic — et, si quid tibi ipse sumas, probandum est — et omissa magna semper flandi tumore in quibusdam causis loquendum est, quod illi disertis minime sciunt.* Deinceps in scriptura a Bosio primum propagata: *non odio adductus alicuius, sed spe corrigendae et sanandae ciuitatis*, siue rei publicae corrigendae auctore Bosio retinetur siue nomen rei publicae, id quod Bootio et Baitero uisum est, omittitur, offendunt nos coniuncta uerba *corrigendae et sanandae*, quae si ad eandem rem spectant, alterum utrum aperte superuacaneum est: si diuersa sententia dici putanda sunt, aliam orationis conformationem desiderant. Quam ob rem ego iam non dubito quin uerum illud sit, quod in editionibus uetustioribus, Romana, Iensoniana, Ascensiana, Heruagiana, Cratandrina, legitur: *non odio adductus alicuius, sed spe non corrigendae, sed sanandae ciuitatis*, qua recepta scriptura hoc dicitur non tam spe corrigendae ciuitatis, quod tum locum haberet, quum minus perdita esset res publica, quam sanandae, quo plane adflicta esse rem publicam proditur, ut sibi is, qui dicit, hac ipsa uoce iam transitum paraue-rit ad id, quod sequitur: *Adflicta res publica est empto constupratoque iudicio.* In uerbis, quae deinceps leguntur, e codicibus Sim. Bosii certe suspectis id profectum est, quod uolgo editur: *sine suspirio*, in editionibus autem uetustioribus, quas modo nominaui, uno consensu scriptum est *sine suspirio*, qua formula orationis Cicero etiam alibi utitur, ueluti in *Disput. Tuscul.* lib. III. c. 34. § 72. *qui si quis est in rerum natura sine sollicitudine, sine desiderio, sine cura, sine suspirio, sit sane etc.* suspiritus autem uox neque apud Ciceronem alias et apud ceteros scriptores alia sententia legitur. Quae uero postea sequuntur uerba, ita interpungenda sunt: *Quantum hoc uolnus! Facto senatus consulto de ambitu, de iudiciis nulla lex perlata, exagitatus senatus, alienati equites Romani.* Sic enim interpuncta oratione haec, quae ad hunc locum est aptissima, sententia nascitur: Quamquam senatus consultum factum erat de ambitu, factum de iudiciis, nulla tamen lex, quae ex iis senatus consultis ferenda erat, perlata est, qua re factum est, ut senatus conuictis adficere-tur, uoluntas equitum Romanorum alienaretur, neque tamen quidquam perficeretur. Iam igitur his uerbis locus concluditur:

Sic ille annus duo firmamenta rei publicae per me unum constituta evertit: nam et senatus auctoritatem abiecit et ordinum concordiam disiecit. Hoc modo si interpretamur Ciceronis uerba, neque scribendum id erit, quod proposuit Bootius, conprobauerunt alii: *facta senatus consulta de ambitu, de iudiciis*, et tamen apparebit duo illa senatus consulta dici, quae epistola 16. § 12. et epistola 17. § 8. commemorata sunt.

Quasi praeteriens commemoro epistola 19. § 3. non recte mihi Baiterum fecisse uideri, quod ex cod. Poggiano nuper edidit: *quid enim ego aliorum in me ἐπιφωνήματα expectem, cum haec domi inuascantur?* Etenim iure iam Bootius contra eam scripturam, quae eadem est in uetustioribus illis editionibus, quas supra memoraui, dixit adlato etiam loco ex Ciceronis epistolis lib. IX. ep. 3. § 2 extr. *sed quid ego haec nunc ad te, cuius domi nascuntur, γλαῦκ' εἰς Ἀθήνας?* Nam inuasci in ea re dici, non simpliciter nasci, a consuetudine sermonis Latini alienum est, ut *διτοργαγίq* nata uideatur illa scriptura e scriptione continua **dominascantur**, nisi forte antiquitus traditum fuerit *domui nascantur*, quae scriptura casus locatiui a me multis locis alias e libris reposita nunc etiam ab aliis agnita et approbata est, uide quae ego exposui anno h. s. XXXU. in L. Chr. Zimmermanni *Zeitschrift für die Alterthumswissenschaft* libro annali II. p. 739.

Lib. II. epist. 1. § 9., ubi Cicero de M. Fauonii petitione refert, nuper Baiterus eius uerba sic scripta edidit: *Fauonius meam tribum tulit honestius quam suam, Luceii perdidit. accusauit Nasicam honeste, ac moleste tamen dixit, ita ut Rhodi uideretur molis potius quam Moloni operam dedisse; mihi, quod defendissem, leuiter susceperat. nunc tamen petit iterum rei publicae causa.* quibus in uerbis multa falsa sunt, non solum propter scripturam ipsam, uerum etiam propter interpunctionem peruerse illatam. Etenim primum in cod. Mediceo et exemplis litterarum formis descriptis omnibus legitur: *accusauit Nasicam inhoneste ac modeste*, non id, quod Baiterus edidit *honeste* de S. H. Rinkes et *moleste* de Malaspinæ coniectura, neque id, quod de coniectura illatum est, ullam probabilitatis speciem prae se fert. Qui enim potest is dici honeste alterum accusauisse, qui id in altero reprehendit quod ipse fecisse aperte dicitur? Uerbis enim, quae antea scripta sunt: *Fauonius meam tribum tulit honestius quam suam*, hoc aperte

declaratur ab ipso Fauonio corruptam fuisse tribum suam, ut inhoneste potius quam honeste Nasicam accusauisse uideatur. *honeste* igitur, quod Rinkes proposuit, sine dubio falsum est. Deinde quid sibi uult *moleste dicere* hoc loco? aut omnino quid est *moleste dicere*? Nam quod Augustus scripsit apud Suetonium Aug. c. 86. *Sed opus est — dare te operam, ne moleste scribas aut loquaris.*, alio quodam modo dicitur. Illud autem recte dici, *modeste accusare* aliquem, si modum teneas in accusatione, non est quod doceamus neque opus erat Periclis lenitatem in accusando commemorare h. l., de qua scripsit Plutarchus in *uita Periclis* c. 10. et in *uita Cimonis* c. 14., id, quod factum est a Bootio. Sed uerbis aliter interpunctis ita scribendum erat hoc enuntiatum: *Accusauit Nasicam inhoneste ac modeste tamen: dixit ita, ut Rhodi uideretur molis potius quam Moloni operam dedisse* etc., qua ratione haec nascitur sententia: Accusationem quidem inhoneste suscepit Fauonius, qui id in altero accusauit, quod ipse commiserat, in accusando tamen modum tenuit et temperatius egit. Absoluta hac re, quae ad causam ipsam spectat, iam transit Cicero ad genus orationis, quo usus sit Fauonius, atque ita uerbo *accusauit* opponit uerbum *dixit*, ut contentione uocis indicandum sit haec uerba inter se esse contraria. Quam ob rem Baiterus recte quidem fecit, quod e cod. Cratandrino recepit *dixit ita ut*, quod in cod. Mediceo leuiter corruptum legitur a prima manu *dixit aut*, quod fuit antiquitus *dixit aut*, id est, hoc ipsum *dixit ita ut*, quum altera manus deprauauerit scripturam in *dixit ut*, uerum tamen non recte distinxit ille *dixit, ita ut* etc., quod debebat esse *dixit ita, ut* etc. hac sententia: ea autem oratione usus est, ut etc. His a me disputatis facile apparebit hunc totum locum ita fuisse scribendum: *Fauonius meam tribum tulit honestius quam suam, Luceii perdidit. Accusauit Nasicam inhoneste ac modeste tamen: dixit ita, ut Rhodi uideretur molis potius quam Moloni operam dedisse. Mihi, quod defendissem, leuiter susceperat: nunc tamen petit iterum rei publicae causa.*

Huius libri epist. 18. § 1. leguntur haec uerba et in cod. Mediceo et in antiquis exemplis formis descriptis: *tenemur undique neque iam quominus seruamus recusamus, sed mortem et eiectionem quasi maiora timemus, quae multo sunt minora, atque hic status qui una uoce omnium gemitur neque uerbo cuius-*

quam subleuatur, quibus in uerbis ultimum enuntiatum nec uerbis nec sententia satis constat. Quam ob rem criticorum partim atque hic status est, alii atque hic est status scribi uoluerunt. Hoc modo mihi uidetur non satis recte huius loci scriptura adiuuari. Nam qui status rerum esset iam satis est expositum, requiritur ut dicatur quid in hoc rerum statu fiat; itaque ego uerbum substantiuum minime desidero, sed hoc enuntiatum: atque hic status — non subleuatur, uerum esse existumo, ita tamen, ut aliquid ante uerba: neque uerbo cuiusquam, excidisse putem, quasi sic antiquitus fuerit: atque hic status, qui una uoce omnium genitur, [neque opera] neque uerbo cuiusquam subleuatur. Quamquam ipsa uerba, quae excidisse hoc loco uideantur, praestare non possumus, tamen etiam me tacente intelligitur propter repetitionem uerbi neque facile eius modi membrum orationis obscurari potuisse, id quod saepe alias factum est. In eadem epistola quod infra § 3. in uerbis his: *A Caesare ualde liberaliter inuitor in legationem illam, sibi ut sim legatus, atque etiam libera legatio uoti causa datur.* Bootius atque Baiterus Schützio auctore ac Bentinolio nuper suppositicia sibi haec in legationem illam uideri significauerunt, nullo modo possum probare. Nam Cicero propterea rem pluribus uerbis hoc loco designat, ut Gallica illa legatio, in quam ualde liberaliter a Caesare erat inuitatus, ut scimus, Cicero, et libera legatio uoti causa suscepta apertius inter se opponerentur, quod minus exstaret, si illa uerba omitterentur, quae tamen ipsa uerba illam, quae sequitur, explicationem: *sibi ut sim legatus*, requirunt. Conferas uelim etiam quae amicus meus atque aequalis G. Meutznerus in *Nou. annal. philol. et paedag.* uol. LXXXXU. p. 699. disputauit. Eiusdem libri epist. 20. § 5. est in cod. Mediceo scriptum: *quod scripseram et Furio scripturum, nihil necesse est tuum nomen mutare.* Editiones uetustiores, ut Romana et Iensoniana, habent *te Furium*, editiones Ascensiana, Heruagiana, Cratandrina *te Furio*. Suspicio ego in codice archetypo fuisse SRIPSERAMETEFURIŪ, unde facile et *scripseram et Furio* et *scripseram te Furio* oriri potuit. Recte autem legitur: *scripseram me te Furium scripturum.* Nam scribere in eius modi locis duplici accusatiuo iungi satis constat, conf. T. Liuii lib. III. c. 20. § 11. *quum auctor pugnae recentibus spoliis in sacra sede positus — se A. Cornelium Cossum con-*

sulem scripserit. In uerbis iis, quae proxime sequuntur, *me faciam Laelium et te Atticum*, nuper Bootius auctore Lambino et coniunctionem omitti uoluit, qui si hoc propterea probabile esse arbitrati sunt, quod supra epist. 19. § 5. diceretur: *in iis epistolis me Laelium, te Furium faciam*, uehementer errant. Etenim illic uerborum collocatio *ἐσίνδετορ* commendauit, hic coniunctionem. Denique in hac epistola § 6. Bootius haesitauit in uerbis his: *Comitia Bibulus cum Archilochio edicto in ante diem XU. Kal. Nouembr. distulit*, ac praepositionem *cum* abiiciendam censuit persuasitque de ea re Baitero, sine idonea causa. Scimus enim Latinos in eius modi locis pro ablatiuo instrumenti tum ablatiuum cum praepositione posuisse, ubi illa res, quae inferretur cum praepositione, etiam abesse posset, quod cadit in hunc ipsum locum. Nam sine edicto Bibulus comitia differre non potuit, uerum tamen differre potuit sine Archilochio edicto, itaque *cum Archilochio edicto* hoc loco fere ita dicitur, ut sit non sine Archilochio, aut dicam explicatius docendi causa, in uerbis *cum Archilochio edicto* hoc inest: ita tamen, ut Archilochio edicto non abstineret et Pompeium contumeliosis conuitiis adficeret. Conf. ea, quae F. Handius disputauit in *Tursellini* uol. II. p. 159 sqq. Denique huius libri epist. 24. § 4. edideram auctore Wesenbergio in priore editione: *ea nos, utpote quo nihil contemnere soleamus, non contemnebamus, sed non pertimescebamus.* Sed quum in cod. Mediceo et in uetustis exemplis litterarum formis descriptis habeatur non hoc *soleamus*, sed *solenus* uno consensu scriptum, iam non dubito quin Cicero potius *solere* scripserit, quod si scriptum fuit *solēmus*, et facile immutari potuit et, si rem recte existumaueris, etiam a consecutione temporum, quam Cicero etiam in eius modi locis semper obtinere solet, desiderari uidebitur.

Sed agendum iam id est, quod mihi occasionem scribendi fecit.

Semisaeculares honores suos hoc anno Ordo Philosophorum gratulatus est

Uiris clarissimis atque optime meritis

CAROLO EDUARDO OTTONI

imperi Russici consiliario publico et professori iuris uniuersitatis litt. Dorpatensis eximia cum laude emerito,

FRIDERICO AUGUSTO GEHE

uerbi diuini apud Bockauiensis Zwickauianos ministro summa cum laude emerito nunc
Dresdae senectutis honoratae otio fruente,

CHRISTIANO FRIDERICO RICHTER

uerbi diuini apud Elstranos Lusatie Saxonicae ministro bene merenti,

GUSTAUO SEYFFARTH

theologiae doctori, professori quondam in universitate litt. Lipsiensi theologiae extra-
ordinario, nunc Eboraci noui in litterario otio senescenti.

Enarrandae iam sunt uitae eorum, qui rogatu suo hoc anno explorata ac probata
dignitate summus Ordinis nostri honores inpetrauerunt.

Sunt autem hi:

HENRICUS RICHARDUS NATHANAEL MARTENS natus Gedani die XXX.
mens. Aug. a. h. s. XLIII. eruditus in gymnasio Gedanensi Hirschio, historiae praecep-
tore eius gymnasii, auctore historiae studium amplexus a. h. s. LXIII. Gottingam se
contulit et ibi audiuit professores Lotze, Ribbentrop, Zachariae ac maxime E. Cur-
tium et Waitz. Inde a. h. s. LXV. Berolinum profectus quum communibus bonarum
artium disciplinis praeceptoribus Trendelenburg, Boeckh, Haupt, Müllenhoff tum
historiae studiis auctoribus potissimum Droysen et Ranke operam suam dedicauit.
Quum omnibus praeceptoribus suis grato animo se addictum esse profitetur tum
maxime praedicat uirorum clarissimorum Hirsch, Waitz, Droysen erga se bene me-
rita. Eius libellus inscriptus est: *Die Annales Reinhardtsbrunnenses als Quelle für die
Geschichte Kaiser Heinrich's VI.*

IOANNES GOTTHOLDUS RENNER, qui de uita sua haec fere ad nos scripsit:
‘Natus sum Dresdae, ubi pater senex uenerabilis custodis pinacothecae regiae munere
fungitur, XV. kal. Mai. a. h. s. XLIII. litterarum primordiis inbutus a. h. s. LVII.
in gymnasium receptus sum, quod Dresdae est ad aedem St. Crucis. Examine maturitatis,
quod dicitur, absoluto a. h. s. LXIII. Lipsiam me contuli, ut studiis philologicis operam
nanarem. Hic docentes audiui uiros illustrissimos Brockhausium, Curtium, Drobischium,
Ecksteinium, Fritzscheium, Klotzium, Ouerbeckium, Ritschelium, Roscherum, Schoenium,
Voigtium, Westermannum, Zarnckium. Per biennium sodalis fui seminarii philologo-
rum regii, quod floret Curtio, Klotzio, Ritschelio praesidibus, et seminarii paedagogo-
rum regii, cui Ecksteinus praefectus est. Quorum uirorum omnium sempiterna apud
me erit memoria.’ Eius dissertatio inscripta est: *‘Quaestiones de dialecto antiquioris
Graecorum poesis elegiacae et iambicae.’*

GEORGIUS ERNESTUS LEOPOLDUS LANGBEIN natus Grimae a. h. s. XLVII.
amissa praemature obitu matre patrem adhuc uiuum habet. Primum eruditus in
schola ciuica tum in progymnasio patriae ciuitatis, inde ab a. h. s. LXII. in schola reali
Lipsiensi doctrina excultus est et mense Martio a. h. s. LXV. maturitatis examine
absoluto mox in universitatem litt. Lipsiensem transiit atque audiuit docentes Erd-

mann, Hankel, Kolbe, Naumann, Drobisch, Zöllner, Franke. Dissertatio eius in-
scripta est: *‘Chemische Untersuchungen. I. Die Wässer Leipzigs. II. Ueber das Ver-
halten des übermangansauren Kalis zu einigen organischen Körpern.’*

RICHARDUS GUSTAVUS HEGER natus Dresdae d. XXVI. mens. Ian. a. h. s.
XLVI. patre Ernesto Traugott Mauricio Heger rectore scholae primi uici urbis pa-
triae, primum eruditus in schola ciuica prima, deinde in schola reali Annana
excultus maxime praedicat praeceptores Martinum Iob et Helmert. A. h. s. LXII.
in regiam scholam polytechnicam transiit eiusque disciplina usus est usque ad annum
h. s. LXVI., quo anno maturitatis examine in schola ad aedem St. Crucis absoluto
Lipsiam se contulit, ut mathematicae et rerum naturalium studio operam suam di-
caret. Libellus eius, quem Ordini nostro probauit, inscriptus est: *‘Beiträge zur ana-
lytischen Geometrie.’*

FRIDERICUS ROBERTUS HELMERT natus Fribergae, qua in ciuitate pater
arcarius dedicationum pietatis causa factorum erat, d. XXXI. mens. Iulii a. h. s. XLIII.
primum in schola ciuica eius ciuitatis eruditus, postea in schola reali Annana, quae
Dresdae est, excultus, uere a. h. s. LIX. in scholam polytechnicam Dresdensensem transi-
iit, sed disciplina agri mensurum ibi absoluta, quod pater interea mortuus erat, ad
uniuersitatem litterarum aspirare eo tempore non poterat. Itaque ad Nagelium pro-
fessorem se applicauit eumque in agris metiendis, maxime in graduum discriptione,
adiuuit et triennio his rebus exacto a. h. s. LXVII. Lipsiam se contulit, et scholas
philosophorum et mathematicorum frequentauit atque auctoritate Bruhsii etiam spe-
cula astronomica, ut artes suas exerceat, usus est. Dissertatio eius inscripta est:
‘Studien über rationelle Vermessungen im Gebiete der höheren Geodäsie.’

CONRADUS WUNDER natus a. h. s. XXXVII. Altenburgi ibique in gym-
nasio Fridericiano eruditus a. h. s. LX. transiit Lipsiam, ubi annum, et Wurce-
burgum, ubi sex menses medicinae studium coluit. Sed hoc ipsum studium quum
minus ei placeret, itinere per Francogalliam facto linguarum studium amplexus est,
itaque uere a. h. s. LXII. Ienam se contulit, ut philologiae classicae operam daret,
inde a. LXIII. Lipsiam transiit, ut Eberto nostro auctore studio recentium lingua-
rum se dicaret. Mense Augusto huius anni candidatus muneris scholastici superioris
examine superato factus est et anno in schola reali Lipsiensi exercitationis causa con-
sumpto praeceptor scholae mercatoriae Lipsiensis creatus est. Libellum suum in-
scripsit: *‘Ueber Jacques Milet's Destruction de Troie la grande.’*

MAXIMILIANUS MORGENROTH qui de uita sua haec scripsit: ‘Natus sum
a. d. III. kal. Iulias a. h. s. XLVI. Salfeldae ad Salam patre Marco praeceptore, matre
Christiana ex gente Eisbrueckneria. Per IX annos in patriae ciuitatis scholis et a
uiris optime de me meritis Gustauo Koeplero et Ottone Kellero progymnasii Salfel-
densis magistris institutus uere a. LX. in gymnasium Hilburghusanum a patre sum
deductus. Ibi tres annos uersatus in Academiam Lipsiensem me contuli, ubi per
triennium uirorum doctissimorum Weissii, Drobischii, Westermanni, Klotzii, Curtii,
Ritschelii, Ouerbeckii, Brockhausii, Zarnckii, Zilleri, Pueckerti fui auditor tertioque
anno seminariorum philologici et paedagogici socius. Deinde per semestre spatium
in Academia Berolinensi continuauit studia, ubi audiui uiros doctissimos Trendelen-
burgium, Hauptium, Kirchhoffium. Unde in patriam reuersus examen pro facultate
docendi apud collegium Berolinense absolui. Uere a. LXVII. in prouincia Borussia
suscepi domestici praeceptoris officium, quo etiam nunc [a. LXVIII.] fungor. Post

paschales ferias in gymnasio Iusterburgensi collaboratoris munus nuper mihi delatum inibo' Scripsit: *'De conditionalium sententiarum apud Tacitum formatione.'*

MAXIMILIANUS LUDOUICUS WEBER natus d. VIII. mens. Sept. a. h. s. XLV. Waldenburi in Saxonia primum eruditus in gymnasio Fribergensi, tum in schola Thomana Lipsiensi, inde a uere a. LXIII. Lipsiae mathematicae et physicae operam dedit et mense Iunio a. LXVIII. candidatus muneris scholastici superioris factus in schola reali Lipsiensi docendo uires per annum periclitatus est. Inde a tempore paschali a. h. s. LXVIII. munus praeceptoris ordinis superioris apud Zwicauenses suscepit. Scripsit: *'Ueber das Potential von Kreis und Spirale sowie seine Verwendung in der Theorie inducirter elektrischer Ströme.'*

FRIDERICUS GUILIELMUS GUNDERMANN natus Halberstadii d. XI. mens. Iun. a. h. s. XXXVIII. gymnasium Halberstadiense frequentauit inde ab anno h. s. XLVIII. usque ad annum LVI., quo tempore propter ualeitudinem ex ea disciplina discessit. Confirmata ualeitudine medicamentariam artem in officina Lueani doctoris didicit et postquam Bonnae a. h. s. LX. studio rerum naturalium se parauit, chemiae studium in nostra uniuersitate litt. moderatore Erdmanno suscepit et audiuit professores Hankel, Naumann, Reichenbach, Drobisch, Fechner, alios. A. LXII. Berolinum se contulit et audiuit docentes H. Rose, Mitscherlich, Max. Braun, Karsten et in officina chemica Sonnenscheinii adiutoris munere aliquandiu functus est. A. LXIII. munus chemici in coctura sacchari apud socios Schulze et Bahlers Colbae ad Salam administrauit et inde a mense Iulio a. LXV. officinae saccharo coquendo quae fuit Moeauiae prope Lipsiam praefuit. Eius dissertatio inscripta est: *'Die Cultur von Zuckerrüben (beta cicla) in künstlich gemischten Bodenarten.'*

FRIDERICUS IMMANUEL GRUNDT natus Dresdae d. XVI. mens. Sept. XLIII. patre Friderico, qui tum lanii quaestum exercebat, matre Anna Dorothea e gente Hemmig, quos parentes etiamnum uiuos habet optatque ut ad beatam senectutem iis peruenire liceat. Prinis litterarum elementis a paterno amico nomine Zacharia institutus puer XII annorum in gymnasium, quod Dresdae est ad aedem St. Crucis, receptus est, quo in gymnasio maxime Boetthecheri doctrina se adiutum esse dicit. A. LXIII. Lipsiam se contulit, ut theologiae et philosophiae operam daret maximeque studium linguarum scripturae sacrae coleret, quo in genere maxime praedicat b. Tuchi disciplinam. A. LXVII. theologiae candidatus factus Dresdae primum praeceptoris domestici disciplinam exerceuit, nunc munere praeceptoris in senatoria puellarum schola fungitur. Libellus eius inscriptus est: *'Die Trauergebräuche der Hebräer.'*

BRUNO BERNHARDI natus in uico Ebersbach prope Loebauiam sito d. XXV. mens. Dec. a. h. s. XLIII. migravit cum suis a. XLIX. Lipsiam ibique ab anno LI. usque ad annum LIII. in gymnasio quod dicitur moderno litterarum elementis excultus est. Inde a uere a. LIII. in schola Dresdensi reali Annana eruditus est, unde a. LX. discessit, ut in schola polytechnica chemiae operam daret. Autumno a. LXIII. Reichenbergiam, quae ciuitas in Bohemia est, se contulit, ut in officina Francisci Liebig chemici et coloratoris technici munere fungeretur, ubi mansit usque ad mensem Iunium anni LXV. Reliquum anni tempus itineribus consumpsit et a. LXVI. moderatore Erdmanno Lipsiae chemiae operam dedit et docentes audiuit praeter hunc Kolbe, Hankel, Naumann, Drobisch, alios. Inscriptus libellus: *'Beiträge zur Kenntniss des Santonin.'*

HERMANNUS KRUEGER de uita sua haec fere rettulit: 'Patre Friderico Io-

hanne praeceptore natus et fidei Lutheranae ascriptus ego Krueger Megalopolitanus, primum domi puerili doctrina sum institutus, deinde ut disciplina, quam uocant, paedagogica erudirer, seminarium Suerinense petii. Postea quum Suerini aliquandiu ita uersatus essem, ut litteris ingenuis, quas a puero admaui, priuatim magis magisque studerem, exeunte anno h. s. LXII. Berolinum migravi, ubi non solum iis disciplinis me tradidi, quae ad testimonium maturitatis adipiscendum ualent — quod testimonium, exigua intermissione studiorum facta, Erfordiae Thuringorum inpetraui —, sed etiam inter ciues universitatis receptus interfui scholis Rankii, Droysenii, Hauptii etc. Inde ab exeunte a. LXVII. commemoratus sum Lipsiae, ubi unius Voigtii lectiones audiui.' Scripsit: *'De Dionysii maioris uita et rei publicae ratione.'*

ALBERTUS GUILIELMUS THIERFELDER de uita sua haec scripsit: 'Natus sum Mulhuse, in urbe Thuringica, a. h. s. XLVI. pridie kal. Maias. Pater, qui concentus musicos regebat, me puerum artis musicae elementa docuit. Quo mortuo gymnasium Mulhusani discipulis ascriptus disciplina institutus sum cum aliorum uiuorum doctorem tum Haunii et Ameisii auunculi mei. Anno h. s. LXV. dignus inuentus, qui in Academiam transirem, Lipsiam me contuli ibique musicis ita me dedit, ut philosophiae studia minime neglegerem. Sex semestria interfui scholis uiuorum doctissimorum Curtii, Klotzii, Drobischii, Seydelii, Pauli et rationem usumque artis musicae edoctus sum a uiris clarissimis Hauptmanno, Richter, Langer. Quibus uiris omnibus optime de me meritis gratias ago quam maximas.' Scripsit: *'de Christianorum psalmis et hymnis usque ad Ambrosii tempora.'*

KONRADUS KOCH. Ex eius uita dissertationi adiuncta haec referenda sunt, natum cum esse Brunsuici a. h. s. XLVI. Id. Febr., Konrado et Luisa parentibus, quumque per octo annos obisset patriae urbis gymnasium, maturitatis testimonio instructum ter sex menses Gottingae, sex menses Berolini, ter sex menses Lipsiae philosophiae studiis se dedidisse. Ex uiris, qui eum docuerunt, maxime praedicat Sauppium Gottingensem, Curtium, Ecksteinium, Ritschelinum Lipsienses. Scripsit: *'De augmento apud Homerum omisso.'*

ENGELBERTUS RICHTERS natus die II. mens. Iul. a. h. s. XL. Coesfeldi in Westphalia et in gymnasio patriae ciuitatis eruditus sexdecim annos natus arti medicamentariae se tradidit et septem annis post mense Octobri LXIII. in uniuersitate litt. Vratislauensi ad studia artis medicamentariae altiora aspirauit. Sub exitum anni LXIII. examen publicum medicamentariorum absoluit. Inde ab eo tempore chemiae operam dedit, primum quum esset adiutor in publico laboratorio chemiae, tum quum hanc artem exercebat in officina, quae dicitur: *'Ida-Marienhütte'*, quae sita est prope Saarlauiam in Silesia. Scripsit: *'Untersuchungen über die Ursachen der Feuerbeständigkeit der Thone.'*

ARNOLDUS BODEK natus in ciuitate Galitiae Brody nominata die I. mens. Nou. a. h. s. XLIII. patre Arminio, matre Ioanna e gente Rapoportia, puer Lipsiam uenit et in gymnasio ab Hauschildo condito rectore Zillio eruditus et testimonium maturitatis a gymnasio Zwicauensi nactus primum per sex menses Lipsiae philosophiae, tum per duo semestria Vratislauiae theologiae studio se dedit socius seminarii rabbinici praeceptoribus Fränkel, Grätz, Bernayss, Ioële audiuitque docentes Braniss, Roepell, Magnus. Propter ualeitudinem theologiae studio renuntiauerat et postea optantibus parentibus iuris prudentiae studium suscepit Heidelbergae, Bonnae, Lipsiae per quattuor semestria. Tum ab auo Salomone Rapoport Pragam uocatus hieme a. h. s. LXVI. ut eum senescentem adiuuaret et theologiae studia rursus susceperet.

Ea studia suscepit et simul philosophiae, philologiae, historiae uacauit docentibus Volkmanno, Wessely, Kaempffio, Petro. Eius libellus inscriptus est: *'Marcus Aurelius Antoninus als Freund und Zeitgenosse des Rabbi Jehuda ha-Nasi.'*

HENRICUS CONRADUS OEHMICHEN natus die VIII. mens. Apr. a. h. s. XXXVI. in uico Trebanitz in Saxonia regia in praedio rustico patris satis amplo primum bene educatus et cultus in uico patrio tum a. h. s. L. in scholam polytechnicam Dresdensensem missus, ut agri mensorum artem disceret, sed duobus annis et sex mensibus exactis patris uoluntate in autum dominium reuocatus instituit agri culturam exercere. Itaque in uico *Lichtenwalde* prope Chemnicium sito agricolationem et didicit ut discipulus et exercuit ut uilici socius. Deinde tres annos eadem condicione in Silesia in dominio Peruschen uersatus est. Anno h. s. LX. accepit praedium patris et in uico patrio mansurus esse uidebatur, quum intra paucos dies soror unica morte et uilla rustica incendio absumpta est. Inde uitae consilio mutato et praedio paterno uendito parentes Dresdam migrauerunt, ipse anno h. s. LXI. primum ut hospes in schola polytechnica Dresdensi, tum in Academia agricolarum, quae est in uico Poppelsdorf prope Bonniam conixa cum uniuersitate litt. Bonnensi, ut discipulus usque ad annum h. s. LXIII. uersatus est et examine agricolari absoluto Lipsiae chemiae et oeconomiae publicae operam dedit. Anno h. s. LXIII. munere praeceptoris in schola agricolari quae est in uico Riesenrodt in Westphalia tres annos functus est. Quod ipsum munus abdicauit, ut altiora disciplinae studia Halis susceperet, quia in uniuersitate usque ad annum h. s. LVIII. uersatus est. Libellus eius inscribitur: *'Zur Statistik und Kritik des niederen landwirthschaftlichen Unterrichts in Deutschland.'*

PAULUS ADALBERTUS RUDOLPHUS TIMOTHEUS RUEFFER natus die XXIII. mens. April. a. h. s. XLVI. in uico Proschlitz prope Cruciburgum in Silesia superiore sito, patre Ioanne Alberto Rueffer, uerbi diuini ministro, matre Ludouica e gente Kellneria, cum parentibus anno LV. in uicem Cauernum migravit, quo in uico in dioecesi Bregensi ad dextram Uiadri ripam sito pater munus ecclesiasticum susceperat. Ibi puerili doctrina a patre et auunculo, praefecto cohortis, qui cum commodis emeritae militiae dimissus cum eius parentibus habitat, ab iisdemque prouector aetate grammaticis institutus est, quum artem musicam Car. Scholz ludimagister Cattouicensis eum doceret. XIII. annum agens in illustre gymnasium regium Bregense a rectore Iul. Guttmano receptus est, unde V annis post discessit in uniuersitatem litt. Lipsiensem, ut in theologia et philosophia studium collocaret. Magistros hic repperit, qui non solum doctrinis ipsum inbuere, uerum etiam liberalitate et humanitate cumularent, Ahrens, b. Anger, Brueckner, Curtium, Delitzsch, Drobisch, Erdmann, Fricke, Hofmann, Kahnis, Luthardt, Marbach, Schmidt, Tischendorf, b. Tuch, Voigt, Wuttke, quorum nomina ait se gratissimo semper animo prosecuturum esse. Scripsit: *'De philosophiae Xenophanis Colophonii parte morali.'*

VILELMUS HENRICUS ROSCHER collegae nostri, quem honoris atque amoris causa nomino, filius natu maximus de uita sua haec rettulit: *'Natus sum Vilelmus Henricus Roscher a. h. s. XLV. die XII. mens. Febr. patre Vilelmo matre Constantia e gente Neundorfforum Gottingae, unde quartum annum agens cum parentibus Lipsiam migraui. Scholis usus sum his: schola ciuili Lips. per annos tres, gymnasio Nicolaitano Lips. per annos septem, gymnasio Afrano Misnensi, quod Fr. Frankio rectore floret, per duos annos. Inde dignus inuentus, qui in academiam transirem, anno h. s. LXV. in urbem patriam redux audiui uiros illustrissimos E. Curtium, Franckium,*

Lotzium, Ritterum, Sauppium, Waitzium, Wieselerum. Deinde iterum Lipsiam profectus in hac academia nobilissima per quinque semestria scholas frequentauit G. Curtii, Ecksteinii, Klotzii, Ouerbeckii, Ritschelii, patris mei, Voigtii, Zarnckii. Quibus uiris illustrissimis optime de me meritis gratias me agere quam maximas semperque acturum profiteor.' Scripsit: *'De aspiratione uulgari apud Graecos.'*

CAROLUS FRIDERICUS ERNESTUS KNAUT natus die XVIII. mens. Sept. a. h. s. XLIII. Osteruici, in oppido prope Hercynium saltum sito, patre Carolo, matre Augusta e gente Schulze, quam immatura morte ereptam luget, annum agens duodecimum in disciplinam gymnasii Halberstadiensis datus et magistro maxime Passouio gauisus est. Anno LXIII. Gottingam migravit, ubi per tria semestria eius doctores fuerunt Benfey, Curtius, de Leutsch, Lotze, Feip, Wieseler, Waitz interfuitque proseminarii et seminarii regii exercitationibus, quibus Sauppe, de Leutsch, Curtius praefuerunt. Tum Berolini per biennium audiuit docentes Boeckh, Bona-Meyer, Droysen, Geppert, Haupt, Huebner, Kiepert, Kirchhoff, Müllenhoff, Trendelenburg, Weber. Anno LXVIII. examine superato facultatem docendi inpetrauit. Scripsit: *'De Luciani libello, qui inscribitur Lucius siue Asinus, auctore.'*

CAROLUS CAPELLER natus a. h. s. XL. in uico Borussiae orientalis, cui nomen est Alex-Kehmen, patre Guilelmo agri possessore, matre Amalia e gente Knochenhauer, quos uiuos habet. Litterarum elementis domi et in schola priuata uicini oppidi Stallupoenen inbutus ab anno h. s. LI. usque ad annum LIX. gymnasium frequentauit Gumbinnense et nomina H. O. Hamanni et I. Arnoldti, quorum disciplina maxime adiutus est, praedicat. Propter ualetudinis inbecillitatem sex menses domi consumpsit et uerno tempore a. LX. uniuersitatem litt. Berolinensem adiit ac primum potissimum litteris Graecis et Latinis operam dedit, deinde etiam linguam Sanskritam et grammaticam comparatiuam et philosophicam addiscere studuit audiuitque per quattuor annos docentes Boeckh, Haupt, A. Benary, Droysen, Trendelenburg, Werder, I. B. Meyer, Bopp, Weber, Steinthal, quorum maxime Weberi beneuolentiam laudat. Anno LXIII. domum reuertit, ut priuato studio poetas Indicos, imprimis Kālidāsam, cognosceret. Scripsit: *'Observationes ad Kālidāsaē Mālavikāgnimitram.'*

CAROLUS EDMUNDUS GOETZE de uita sua haec fere scripsit: *'Natus sum C. E. Goetze Dresdae d. VI. a. kal. Octobr. a. h. s. XLIII. Quum per septem annos gymnasium ad aedem St. Crucis obissem, cui tunc Iul. Ludou. Klee rector praeerat, testimonium maturitatis nactus a. LXIII. Lipsiam me contuli philologiae studiis operam nauaturus. Docentes audiui Brockhausium, Curtium, Drobischium, Ecksteinium, Klotzium, Ouerbeckium, Pückertum, Ritschelium, Roscherum, Schoenium, Seydelium, Westermannum, Zarnckium. Praeterea frequentauit exercitationes archaeologicas Ouerbeckii et seminarii philol. reg. per ter sex menses sodalis fui. Illis uero uiris cl., qui studia mea auxerunt, gratias ago quam maximas.' Scripsit: *'De productione syllabarum suppletoria linguae Latinae.'**

FRIDERICUS ERNESTUS WUELCKER natus die XIII. mens. Aug. a. h. s. XLIII. Francofurti ad Moenum patre Philippo mercatore, matre Margareta e gente Schott, postquam primos aetatis annos partim in patria urbe partim Soden, in oppidulo Nassouiensi in ipsa Tauri radice sito, degit, scholam patriae urbis quae uocatur *Musterschule*, adiit, deinde Torstrickio praeceptore in linguis Latina et Graeca discendis usus est, tum gymnasium Francofurtanum frequentauit Classeni et Fleckeiseni meritis tum florentissimum. Anno LXII. Gottingam se contulit, ut et Germanicis

litteris, quarum amore iam domi Franc. Rothio magistro captus erat, et antiquis operam nauaret. Itaque per quinque semestria audiuit docentes Sauppium, de Leutsch, E. Curtium, quorum auctoritate seminarii philol. reg. per duos fere annos sodalis fuit, tum G. Müllerum et L. Meyerum eorumque societatibus interfuit, quibus scriptores Sanscritos et Germanicos cognosceret. Triennio exacto Lipsiam profectus ait se audiuisse docentes G. Curtium, Klotzium, Ritschelium, tum in familiaritatem Fr. Zarnckii et Rud. Hildebrandi receptum esse et per tres annos partim Lipsiae partim in urbe patria studiis grammaticae comparatiuae et rerum Germanicarum deditum fuisse. Quum omnibus uiris, quorum disciplina usus est, grato animo se addictum esse dicit, tum maxime praedicat nomina Fr. Zarnckii, G. Curtii, R. Hildebrandi, Guil. Mülleri, Fr. Rothii, L. Meyeri. Scripsit: *'Beobachtungen auf dem Gebiete der Vocalschwächung im Mittelhinndutschen, bes. im Hessischen und Thüringischen.'*

RICHARDUS HENRICUS LUDOVICUS AVENARIUS Eduardi Auenarii, redemptoris librarii Berolinensis, filius natus Parisiis d. XIX. mens. Nouembr. a. h. s. XLIII., primum in schola ciuica et in gymnasio Nicolaitano Lipsiae, post in scholis realibus et in gymnasio Guilelmiano Berolini eruditus, inde ab a. LX. usque ad a. LXIII. in taberna libraria uersatus, ut hanc artem disceret, primum Berolini, mox Lipsiae F. E. Raschigio praeceptore ad altiora studia aspirauit et in uniuersitate litt. Lipsiensi docentes audiuit Drobisch, Zarncke, Th. Moebius, Fechner, ualetudinis causa in Heluetiam se postea contulit et Turici scholis Vischeri, Ettmülleri, H. Wisliceni, Rochati interfuit. A. LXV. et sequ. Berolini philosophiae potissimum studium professo auctores et praeceptores fuerunt Trendelenburg, Steinthal, Althaus, Gruppe, Werther, Berner, Dühring, Hassel, Tabbrucci, Lipsiam a. LXVI. reuerso Drobisch, Fechner, Roscher, Wuttke, Klotz, Ouerbeck, Ahrens, Curtius, Voigt, Fritzsche, Hermann. Scripsit: *'Ueber die beiden ersten Phasen des Spinozischen Pantheismus und das Verhältniss der zweiten zur dritten Phase.'*

ALEXANDER DE BASAROFF natus die VII. mens. Sept. a. h. s. XLV. aquis Mattiacis patre Ioanne de Basaroff tum sacerdote ecclesiae catholicae Graecae, a. LXI. traditus seminario theologico Petropolitano ibique duos annos uersatus concessu patris in uniuersitatem litt. Petropolitanam transiit, ut historiae naturalis studio operam daret et maturitatis testimonio a. LXIII. instructus in Germaniam abiit, ut chemiae studium amplecteretur, itaque Tubingae per duo semestria praeceptores eius fuerunt Strecker, Reusch, Quenstedt, Mohl, Heidelbergae per tria semestria Bunsen, Erlenmeyer, Kopp, Kirchhoff, Fuchs, Lipsiae Kolbe, in cuius officina doctrinae causa instituta per duo semestria se exercuit. Scripsit: *'Directe Darstellung des Harnstoffes aus Kohlensäure und Ammoniak.'*

HENRICUS BYK natus in ciuitate Galitiae Brody nominata die VII. mens. Iul. a. h. s. XLV. patre Samuele Antonio, matre Agnete, ab initio inter priuatos parietes eruditus et, postquam cum parentibus Lipsiam migravit, primum in gymnasio, quod dicitur, moderno, mox in Thomano doctus a. LXIII. in uniuersitatem litt. Lipsiensem transiit et studium rerum naturalium coluit, Lipsiae praeceptoribus Erdmann, Hankel, Naumann, Heidelbergae auctoribus Bunsen, Kirchhoff, Kopp, Lipsiam reuersus praeceptorem potissimum Kolbe habuit. Scripsit: *'Die isomeren Bernsteinsäuren.'*

HERMANNUS FRIDERICUS GRIMM natus Cassellis die VI. mens. Ian. a. h. s. XXVIII. migravit cum patre Guilielmo, uiro egregio et de litteris nostris eximie merito, Gottingam a. XXX. Inde Rankio rectore in gymnasio Gottingensi eruditus

a. XXXIX. cum parentibus Cassellas reuersus rectore Webero haec litterarum initia persecutus est, denique patre Berolinum a. XLI. uocato eodem Rankio rectore, quo coeperat, hanc puerilem disciplinam absoluit et a. XLVII. in litt. uniuersitatem Berolinensem transiit, ut iuris prudentiae operam daret, eodemque consilio a. XLVIII. sex menses Bonnæ uersatus mox historiae studium, quod iam ante Rankio auctore adamauerat, suscepit et maxime historiarum artium persecutus est, ad quod colendum ter Italiam petiit et Francogalliam atque Angliam adiit. Praeter libros iam editos nunc in Raphaëlis pictoris historia contextenda elaborat. Ab Ordine nostro propter librorum ab ipso editorum praestantiam summos honores consecutus est.

CAROLUS GUILIELMUS RICHARDUS NITZSCHE de uita sua haec ferre retulit: *'Natus sum Altenburgi a. d. VII. Id. Febr. a. h. s. XLIII. parentibus probis, carissimis, patre Augusto, matre Guilelmina e gente Pabstia, quibus superstitionibus gaudeo. Elementis litterarum inbutus obii gymnasium Fridericianum Altenburgense, quod H. E. Foss rectore etiam nunc floret, quod postquam per decem annos frequentauit, ineunte a. LXIII. dignus inuentus, qui in academiam transirem, Ienam me contuli ibique in philologorum studium incumbens uiros doctissimos audiui Götting, Nipperdey, M. Schmidt, Schleicher, Caro, Guedechens, Cun. Fischer, Ad. Schmidt ac per annum et semestre spatium seminarii philologorum fui sodalis. Biennio post Lipsiam migraui, ubi per quinque fere semestria interfui scholis uirorum clarissimorum Curtius, Drobisch, Eckstein, Klotz, Ritschl, Voigt, Zarncke: etiam hic per annum unum sodalis seminarii regii philologorum fui. Illis uero uiris illustrissimis bene de me meritis maxumam habeo gratiam semperque habebo.'* Scripsit: *'Quaestionum Eudocianarum capita duo.'*

FRANCISCUS DE KIRALY natus die XIX. mens. Mai. a. h. s. XLII. Debreczini in Hungaria in praedio paterno, inter priuatos parietes et aliquot annos in paedagogio Gelencciano in patria ciuitate eruditus, annos natus XIII. in scholam realem superiorem Vindobonensem missus, cuius disciplina absoluta a. LX in uilla auunculi Colomani de Simonffy prope Debreczinum agricolationi se dedit, disciplinas artis agriculturalis, maxime chemiam, non neglegens. Deinde ab a. LXII. usque ad a. LXIII. in caes. reg. academia, quae Schemnicii in Hungaria disciplinae metallicae et saltuariae causa condita est, uersatus eaque disciplina rite absoluta duo semestria in academia reg. Württembergica agricolari Hohenhemensi prope Stutgardiam consumpsit indeque cum laude dimissus in uniuersitatem litt. Lipsiensem se contulit, ut oeconomiae nationali quae dicitur prorsus se dicaret. Hic duobus semestribus exactis Berolinensem uniuersitatem litt. adiit, et bis sex menses ibi uersatus Lipsiam rediit, ut hic studia sua absolueret. Scripsit: *'Betrachtungen über Socialismus und Communismus in ihrem Verhältniss zu den Grundformen des Rechts, zur politischen Oeconomie, zur socialen Praxis und zur Politik.'*

FRANCISCUS FRIDERICUS EUGENIUS BORGMANN natus Deciae ad Laganam die X. mens. Aug. a. h. s. XLIII. patre Hermanno Borgmann succenturione superiore, parentibus praematura morte ereptis Aquas Mattiacas ad propinquos translatus est. Hic primis litterarum elementis perceptis in gymnasium reale a. LIII. receptus moderante Casselmanno in officina chemica elaborauit. Inde in uniuersitatem litt. Heidelbergensem transgressus audiuit docentes Bunsen, Kirchhoff, Kopp, Erlenmeyer, Fuchs, Ahler, Meidinger, et in officinis chemicis Bunsenii et Erlenmeyerii se exercuit. Dein Turici praeceptores eius fuerunt Bolley, Staedeler, Piccard, Vischer, Lübke. Tum Offenbachii in officina chemica Oehlerii usque ad mens. Aug. a. LXVII.

uersatus Berolini studia chemiae moderante potissimum Bayero absoluit. Scripsit: *Ueber Toluchinone.*

RUDOLFUS CAROLUS AUGUSTUS WEIDMANN natus Salfeldae die XIX. Ian. a. h. s. XL. patre Weidmanno theol. doctore et consiliario supremi collegii scholastici ducalis Meiningensis, matre Paulina Hohnbaumiana, primum in schola reali Salfeldensi, cui pater tum praefectus erat, eruditus mox, patre Meiningam uocato in gymnasium Bernhardinum Meiningense transiit. A. XXXIX. Ienam se contulit, ut philologiae et historiae studium amplecteretur, ubi audiuit docentes Göttingium, Nipperdeum, Cun. Fischer, Ad. et Maur. Schmidtios. Inde ab a. LXI. Bonnæ ei praeceptores fuerunt Ritscheli, Iahnus, de Sybel. Academico triennio exacto Ienam reuertit, ut in Stoyii instituto docendo exerceretur. Incunte a. LXIII. Iena relicta examen publicum in patria terra absoluit indeque Mindae per tres annos adiutor in gymnasio, quod est Mindae Westphalicae, fuit. Scripsit: *Die Quellen der sechs ersten Bücher von Tacitus' Annalen.*

OSCAR MARPURG natus die XXV. mens. Nou. a. h. s. XXXVII. in colonia Germanica haud procul a Saratouia ciuitate ad Wolgam in Russia sita, quae Germanis Dittel, Russis Oleschna appellatur, patre uerbi diuini ministro euangelicae ecclesiae, a parentibus primum educatus et eruditus, annos natus septem Dorpatum translatus, primum linguam Russicam in schola elementari edoctus, mox gymnasium adiit et his studiis rite absolutis inde ab a. h. s. LVI. in universitatem litt. Dorpatensem transiit, ut theologiae ac philosophiae studium coleret et examen, quod uocant, theologicum absolueret. His rebus omnibus actis transactisque per tres annos praeceptor puerorum in Curonia fuit et paulo post uerbi diuini minister Petropoli factus est. Uerum tamen quum eius opiniones de rebus diuinis uehementer discrepant cum decretis collegiorum ecclesiae Lutheranae Petropolitanae, munere se abdicauit et in Germaniam abiit, ut ei maxime parti philosophiae operaretur, quae de rebus diuinis quaerit. Libellus eius inscriptus est: *Das Wissen und der religiöse Glaube.*

FRIDERICUS BERNARDUS GERTH de uita sua haec fere ad nos scripsit: Ego Fr. B. G. Dresdae natus a. h. s. XLIII. Non. April. Quum iam a puerili aetate ludi magistri olim munere fungi uehementer cupiuissem, annos natus XIII. proseminarii, anno aetatis XVI. seminarii Fletcheriani alumnus ascriptus sum. Sed biennio post, paullum immutata uoluntate, priuatim cum Kallmeyero meo, cuius praematura mors grauissimo me dolore adflixit, litteras Graecas et Latinas tractare coepi, anno LXII. in gymnasii, quod ad aedem St. Crucis est, discipulorum numerum relatus et Klei, Hultschii, Baltzeri, Helbigii praeceptorum carissimorum disciplina usus sum. Denique inde ab a. h. s. LXV. in universitate litt. Lipsiensi philologiae studio me dedidi ducibus Ahrensis Brockhausio Curtio Drobischio Klotzio Ritschelio Schoenio Voigtio, uiris clarissimis; plurimum autem in ea re me adiuerunt seminarii philologici et societatis Curtianae exercitationes, quarum praesidibus quantum debeam gratiae dicere uix possum. Scripsit: *Quaestiones de Graecae tragoediae dialecto.*

GEORGIUS GUENTHER natus die XVII. mens. Dec. a. h. s. XLV. Altenburgi patre Carolo Friderico, matre Selma Hauschildiana, uix quattuor annos natus cum patre, qui antistes dioecesis ecclesiasticae et pastor primarius apud Ronneburgenses factus erat, eo concessit et primum a patre ipso litteris eruditus uere a. LX. in gymnasium Fridericianum H. E. Fossio rectore receptus est. Quadriennio exacto in universitatem litt. Ienensem transiit philologiae operam daturus et interfuit scholis Göttingii, Nipperdeii, Cun. Fischeri, Gaedechensii, inde Bonnensem universitatem litt.

adiit, ubi praeceptores ei per annum fuerunt Ritscheli, O. Jahn, Gildemeister, Schaeffer, Springer, inde per quinque semestria Lipsiae frequentauit scholas Ahrensis, Curtii, Ecksteinii, Ouerbeckii, Ritschellii, Roscheri, Voigtii, Wutticii, Zarnckii et exercitationibus grammaticis G. Curtii interfuit. Praeceptoribus et scholasticis et academicis omnibus grato animo se addictum esse proficitur. Scripsit: *De obiecti, quod dicitur, interioris usu Euripideo.*

FRIDERICUS GUILIELMUS GOTTHELF WINCKLER de uita acta haec fere rettulit: 'Natus sum Halis Saxonum a. d. XVIII. kal. Decembr. a. h. s. XLI. patre Friderico et matre Amalia e gente Hofmannia, quos morte ereptos maxime lugeo semperque lugebo. — Primis litterarum elementis in gymnasio, cui nomen est schola Latina, inbutus, nonnullis annis post discipulis paedagogii regii ascriptus sum. Post tres annos et sex menses maturitatis testimonium adeptus, ut theologiae me traderem studiis, ciuibus uniuersitatis litt. Halensis ascriptus sum. Duobus annis post Erlangam ad studia continuanda profectus sum. Nonnullis annis post examine pro rectoratu absoluto, nunc dissertatione scripta et ab Ordine philosophorum Lipsiensi approbata, postquam litterarum scientia tentata est, summos in philo-ophia honores rite inpetraui.' Scripsit: *De Nervae imperatoris uita ac rebus gestis.*

CAROLUS RICHARDUS HENKE natus Dresdae die XXIII. mens. Aug. a. h. s. XLVII. primum in schola reali Annana eruditus, deinde nouem annis exactis in scholam polytechnicam receptus praeceptores habuit Schlömilch, Lösche, Stein. Anno LXVI. maturitatis testimonium in gymnasio, quod est ad aedem St. Crucis, adeptus in uniuersitatem litt. Lipsiensem transiit et praeceptores in physica disciplina et mathematica et in philosophia habuit Scheibner, Hankel patrem, Hankel filium, Drobisch. Scripsit: *Ueber die Methode der kleinsten Quadrate.*

FRIDERICUS IULIUS SCHMIDT natus die VIII. mens. Aug. a. h. s. XXIII. Sangerhusae, in eius ciuitatis montanae ludo publico inde ab a. XXX. usque ad annum XXXVIII. eruditus, et a Tuphornio rudimentis artium mathematicae et mechanicae inbutus in scholam architectonicam Fribergensem transiit. In patriam ciuitatem reuersus architecturae studium colere instituit et inde a mense Augusto a. XLII. scholam realem superioris ordinis, quae est Ascaniae, frequentauit. Anno XLV. hac disciplina absoluta per annum in agris metiendis se exercuit et uoluntaria stipendia annua fecit Erfordiae Thuringorum. Examinibus succenturionis et agri mensuris absolutus dimissus est. Tum, quum in scholam architectonicam regiam Berolinensem recipi non posset, quod exercitationes in amplioribus agrorum partibus ei facere concessum non fuerat, patrem, qui iam ante in Americam se contulerat, sequi constituit et linguas Anglicam et Hispanicam discere coepit, tum Dresdam anno XLVIII. profectus est, ut agri mensuram artem disceret. Sed quum pater interea ex America reuersus eum certiore fecisset agri mensuram satis magnam multitudinem in America esse, ut architecti metallici artem disceret, in academiam Fribergensem metallicam se contulit et biennio exacto hanc disciplinam absoluit. Postea annis L. et LI. itinera per regiones metallis fecundas Austriae, Silesiae, Hercyniae siluae fecit et aliqua parte Angliae uisitata mense Iulio LI. in Americam profectus est. Postquam in multis eius partis telluris nostrae terris uersatus multas res, quae ad bestiarum naturam cognoscendam et metallorum indolem percipiendam facerent, collegit et in metallis aut in officinis metallicis operam suam posuit, a. LXI. in patriam ciuitatem

reduz factus est. Aetatem deinde Teplicii et hiemem Norimbergae transegit et in historiam artium studium suum contulit ac nunc ipsum in tabulariis Saxonis et Thuringis cognoscendis versatur. Libellus eius inscriptus est: *Geschichte der Serpentin-Industrie zu Zöhlitz im sächsischen Erzgebirge.*

GUSTAVUS OTTO SCHUESSLER natus in uico Borussiae orientalis Sznaugeten die VI. mens. Apr. a. h. s. XLIII. patre Carolo, matre Henricetta e gente Kirbergia, quum pater stipendia faceret, in uariis uicis oppidisque uersatus est et undecimo demum aetatis anno certum domicilium, quum pater abdicata militia custos ecclesiae Polonicae Regiomontii Borussiae factus esset, in ea ciuitate inuenit, cuius primum gymnasium palaeopolitanum rectore Ellendtio frequentauit indeque in Academiam Albertinam transiit doctoribusque usus est Lehrsio, Friedländero, Rosenkranzio, Nitzschio, Giesbrechto, duos illos priores maxime celebrans. Aestate a. LXIII. Bonnam migravit et docentes audiuit Ritschelium, Iahnium, Springernum. Uere a. LXIII. Berolinum profectus quae Ritschelio auctore elaborare uoluit primatō otio perficere studuit, sed a. XLV. et LXVI. Berolini in exercitu regio militiam uoluntariam capessens coactus est signa sequi et Torgauiae, tum Lipsiae a. LXVI. stipendia fecit et in altiore ordinem militarem ascendit. In patriam reuersus Regiomontii in gymasio palaeopolitano litteras docuit, denique gymnasii Mariaeinsulani praeceptor ordinarius creatus est. Scripsit: *De nominibus gentium paraguay Graecis.*

CHRISTIANUS GODOFREDUS ACHMEDUS SCHOLTZE natus die XXV. mens. Aug. a. XL. Lipsiae patre Christ. Adolfo praeceptore scholae ciuicae, annis XLIV—LVIII. gymnasium Nicolaitanum frequentauit et uere a. LVII., ut philosophiae et paedagogicae operam daret, in uniuersitatem litt. nostram transiit, in qua doctores eius fuerunt Drobisch, Klotz, Nobbe, Westermann, Bursian, Zarneke, Lipsius, Wachsmuth, Wuttke, de Treitschke, quorum omnium grato animo se meminisse profitetur. In ipso studiorum tempore patrem morte amisit et, postquam aliquamdiu praeceptor domesticus et priuatus fuit, candidatus muneris scholastici superioris factus est et in schola reali annum ex lege docuit. Eius libellus inscriptus est: *Die Beziehungen zwischen Rom und Hellas vom Sturze der Königsherrschaft bis zum epirotischen Kriege.*

ERNESTUS GUSTAVUS KIRSCH Sagani in Silesia mense Sept. a. XLI. natus, in gymasio Saganensi usque ad ordinem secundum ascendit, tum in primam classem regiae scholae realis Zittauensis receptus architecturae mechanicae operam dare constituit et in primam classem scholae prouincialis quaestuariarum Gorlicensis transiit eiusque cursum eum laude absoluit. Exhinc tres annos in regia Academia quaestuariarum Berolinensi consumpsit, quo studiorum cursu perfecto, quum mathematicam disciplinam adamasset, huius disciplinae causa Parisiis menses quindecim uersatus in collegio Francico atque in scholis Sorbonica et cunicularia (école des Mines) mathematicas et mechanicas disciplinas coluit praeceptoribus Lionuille, Serret, Chasles, Lamé, Puiseux, Haton de la Goupillière, aliis, inde Turicum petiit et in polytechnico Heluetico Wolf, Lübke, Reuleaux, Clausius, Vischer, alii eius praeceptores fuerunt. Berolinum reuersus quindecim menses in uniuersitate litt. scholas mathematicas et physicas audiuit horum uirorum: Weierstrass, Kummer, Kronecker, Foerster, Quincke, Arndt. Anno LXVI. candidatus disciplinae mathematicae atque mechanicae publica auctoritate declaratus praeceptor mathematicae in schola prouinciali quaestuariarum Gorlicensi factus est. Scripsit: *Die Fundamentalgleichungen der Theorie der Elasticität fester Körper usw.*

HERMANNUS THEODORUS SCHAEFER natus Wittenbergae d. XVIII. mens. Decembr. a. h. s. XLI. gymnasium Wittenbergense frequentauit eaque disciplina rite absoluta in uniuersitatem litt. Berolinensem transiit, ut studium suum philosophiae et philologiae classicae Boeckhio maxime et Hauptio auctoribus dicaret. A. LXIII. examine pro facultate docendi absoluto et stipendiis uoluntariis per annum factis uere a. LXV. praeceptor gymnasii Friderico-Guilielmiani, quod est Cothusii, factus est, ibique mansit, nisi quod per sex menses stipendia in bello a. LXVI. fecit. Scripsit: *De Dorimi in tragoediis Graecis usu.*

HERMANNUS FRITSCHKE natus die XXVIII. mens. Mai. a. h. s. XXXIX. Ratzeburgi in ducatu Lauenburgensi in gymasio patriae ciuitatis litteris eruditus et a. LIX. in uniuersitatem litt. Gottingensem transgressus, ut mathematicas disciplinas coleret, audiuit docentes Riemann, Stern, Ulrich, Schering, Weber, Listing, Wochler, Wicke, Ritter. Deinde Berolinum profectus maxime Foerster auctore astronomiae studium fouit audiuitque praeter Foersterum, quem nominaui, docentes Encke, Kummer, Trendelenburg. Quattuor semestribus absolutis a. LXIII. Pulcouae quadriennium in specula astronomica operam dedit. Anno LXVII. speculae magneticae ac meteorologicae, quae est Pekingae in terra Sinensi, praefectus est. Scripsit: *Ueber den Planeten Cybele* (65).

FRIDERICUS REINHOLDUS DRESSLER de uita sua haec ad nos scripsit: *Ego natus sum Budissae a. h. s. XLV. a. d. V. Kal. Nouembr. patre Timotheo, gymnasii Budissini collega, matre Guilelmina e gente Schulzia, a qua educatus per tredecim semestria gymnasium Budissinum frequentauit, unde examine superato Lipsiam me contuli a. LXIII. ibique per quadriennium philologiae studiis me dedidi. Interfui scholis Ahrensi, Brockhausii, Curtii, Ecksteinii, Klotzii, Ouerbeckii, Ritschelii, Schoenii, Weissii, Westermanni, Zarneckii, Voigtii, Roscheri. Per biennium sodalium seminarii reg. philol. numero ascriptus fui, per sex menses senioris munere fungens. Praeceptoribus omnibus, quorum disciplinae frui sum beneficio, maxumas gratias ago habeoque.* Libellus eius inscriptus est: *Quaestiones criticae ad Maximam et Antonii gnomologias spectantes. Accedunt disputatiunculae de florilegio quodam inedito et schedae criticae.*

MAURICIUS ADOLFUS GELBKE de rebus suis haec fere ad nos scripsit: *Ego M. A. G. Zittauensis a. h. s. XLVI. d. VII. mens. Aug. natus sum. Patrem habeo Mauriciū Augustum, matrem praematura morte mihi ereptam uehementer doleo, Mariam Augustam de gente Schwabe. Postquam quinque per annos adii scholam oppidanam a. LVII. receptus inter ciues gymnasii Zittauensis quod moderatur Kaemmel uir doctrina et humanitate praestantissimus, ueterum scriptorum tractationem ita admaui, ut, quum octo annis praeteritis in Academiam Lipsiensem dimitterer, philologiae studio me dare destinarem. Paene per quadriennium praeceptoribus usui sum antiquarum litterarum Curtio, Klotzio, Nobbio, Ouerbeckio, Ritschelio, Schoenio, linguarum et Germanicarum et Romanensium Zarneckio, Eberto, philosophiae Ahrensi, Drobischio, Roschero, rerum et ueterum et recentiorum Biedermanno, Pückerto, Voigtio, Wenckio, Wuttquio, disciplinae paedagogicae Ecksteinio, Masio, quibus omnibus gratiam quam maxumam me debere ex animo profiteor.* Scripsit: *De dialecto Arcaica.*

OTTO BOEHMER de uita sua haec retulit: *O. B. a. h. s. XLIII. a. d. IIII.*

Non. Dec. a Gustavo patre optumo ex Elfrida matre carissima gentis Braemianae Rednaui in uico quodam Borussiae orientalis susceptus sum. Litterarum elementis satis instructus gymnasium adii Rastenburgense, cuius a directore Techow uiro doctissimo et humanissimo in quartum discipulorum ordinem receptus sum. Inde quum septem annis interiectis cum maturitatis testimonio essem dimissus, in academiam Regiomontanam me contuli eiusque ciuibus ascriptus per septem semestria spatia operam nauau studiis philologicis. Audiui autem praeter alios prof. ill. Lehrs, Friedlaender, Rosenkranz, Schade, Ueberweg. Quos uiros omnes maxuma curae operaeque in me collocatae gratia semper prosequar.' Scripsit: *'Observationes de formulis Illo-mericis.'*

FRIDERICUS GUILIELMUS NIETZSCHE de uita sua haec scripsit: 'Natus sum in uico Thuringorum qui Roecken uocatur Idibus Octob. anni h. s. XLIV. Ludouico et Franzisca parentibus fidei addictus euangelicae. Quartum aetatis annum agenti cum mihi tristissimo fato pater abreptus esset, Numburgum me cum matre dilectissima contuli, ubi artium liberalium principiis inbutus sum. Autumno anni LVIII. inter gymnasii Portensis alumnos receptus per sexennium scholis interfui praeceptorum Peteri Kobersteinii Steinharti Keilii Corsenii aliorum. Exeunte anno LXIV. Bonnae ciuibus academicis adscriptus prodcentes audiui Ritschellum Iahnium Schaarschmidtum Springerum. Ibi cum per annum studiis philologicis operam dedissem, Lipsiensem adii uniuersitatem Ritschellum secutus hoc ipso tempore Bonna discedentem. In hac litterarum sede per quater sex menses scholas Ritschellii Curtii Roscheri Eberti Tischendorffii frequentauit: postea iussu militari auocatus Numburgum redii artibus equitandi globosque emittendi operam nauaturus.

Ineunte anno LXIX. uniuersitas Basiliensis mihi professoris extraordinarii munus detulit.' Ab Ordine nostro ob scriptorum ab eo editorum praestantiam summos honores inpetrauit.

ADOLPHUS FRIDERICUS GUILIELMUS DUVE Halberstadiensis gymnasium et scholam realem Halberstadiensem frequentauit et a. h. s. LX. in eadem ciuitate disciplinam medicamentarii suscepit, quam absoluit Quedlinburgi a. LXIII. examine probatus. Deinceps Magdeburgi, Berolini, Aquisgrani, Turici, in ciuitate Montreux ad lacum Lemani, denique Lipsiae in officinis medicamentariis operatus est. Autumno a. LXVII. in uniuersitate litt. Lipsiensi studia pharmaceutica coluit et publicum examen subiit a. h. LXVIII. Deinde studium chemiae academicum persecutus est praeceptoribus Erdmann, Kolbe, Hankel, Schenk, Naumann, quibus omnibus grato animo se esse addictum profitetur, maxime uero Erdmanno, in cuius officina sese exercuit. Scripsit: *'Beiträge zur Kenntniss der Borweinsäure des Borsäureweinsteins und Borazweinsteins.'*

ALBERTUS MAXIMILIANUS RICHARDUS HÜGEL de uita sua haec fere rettulit: 'Natus sum a. h. s. XLV. a. d. VII. Id. Febr. Sedini patre Henrico, quem ante hos quindecim menses morte mihi ereptum pio animo lugeo, matre Albertina e gente Oldenburg superstitē. Primis litterarum elementis in patriae Friderica Guilelma schola inbutus, quindecim annos natus uitae cursu mutato gymnasium adii, unde autumno a. LXIII. maturitatis testimonio instructus primum Berolinensem tum Heidelbergensem uniuersitatem petii ibique in Graecis Latinisque litteris tractandis studium collocaui. Deinde tribus semestribus circumactis medii aevi et philologicis et historicis studiis operam daturus Bonnā me contuli et anno interiecto Lipsiam

migraui. Uiri doctissimi, quorum interfui scholis, fuerunt hi: Althaus Boeckh Gelpert Haupt Massmann Steinthal Droysen Berolinenses, Häusser Köchly de Reichlin-Meldegg Heidelbergenses, Bernays Delius Diez Usener Springer Treitz Bonnenses, Brandes Curtius Ebert Merkel G. Voigt Zarneke Lipsienses. Quorum uirorum omnium et in primis optime de me meritorum Zarneckii et Eberti memoria nunquam mihi non erit gratissima.' Scripsit: *'Ueber die Betonung der Wörter von drei und mehr Silben bei Otfried.'*

RICHARDUS BIEDERMANN Caroli Biedermanni collegae nostri, quem honoris causa nomino, filius natus est die XX. mens. Iul. a. h. s. XLIII. in sede aui materni Kochii praefecti siluis ciuitatis Lipsiensis prope Lipsiam sita, ubi parentes ea aestate rusticabantur. Primum a patre litteris inbutus, inde a uere a. LIII. usque ad autumnum a. LV. frequentauit gymnasium Lipsiense, quod dicitur, modernum, tum cum parentibus Vinariam migrauit, quo pater uocatus erat ad ephemeridas publicas moderandas, ibique scholam realem adiit usque ad a. LX. Anno praeterea inter priuatos parietes eruditus agricolationi operam dedit in dominiis Witzleben prope Ilmam et Zwätzen prope Ienā sitis, a. LXIII. ludum agricolarem, qui erat Plagwitzii prope Lipsiam apertus, adiit, deinde a. LXIII—LXVIII. in uniuersitate litt. Lipsiensi docentes audiuit Roscher, Hering, Knop, Hankel, Naumann, Mettenius, Erdmann, Hirzel, Biedermann, Kolbe, Seydel, Birnbaum. Inde a mense Octobr. a. LXVIII. adiutor G. Kühnii in statione agricolari in uico Moekern prope Lipsiam experientorum faciundorum causa instituta operatur. Scripsit: *'Einige Beiträge zu der Frage der Bodenabsorption.'*

CONRADUS HENRICUS WEIGELT natus die mens. Mart. a. h. s. XLIII. Neurodae in comitatu Glacensi, qua in ciuitate tum pater ius dixit. A. XLIX. Wartenbergam in ducatu Posnaniensi translatus et primis litterarum elementis inbutus primum in scholam ciuicam tum in gymnasium Schweidnicense usque ad a. LVII. missus est. Eo tempore factum est, ut rebus nauticis se dicere constitueret, praesertim quum pater a. LVIII. consiliarius iudicii appellatorii Sedinensis factus esset: nomen igitur professo Kal. Mai. a. LX. receptionis dies destinatus est. Interea scholam realem Friderico-Guilelmianam Sedinē frequentauit, sed quum hieme a. LIX. et LX. denique cognitum esset adolescentem, quia oculis non satis prospiceret, militiam classiariam inire non posse, saltem mechanicae artis scientia rebus nauticis operam suam nauare constituit et scholam quaestuariam prouincialem adiit. Sed A. Kremeri praeceptoris sui auctoritate mutauit consilium et quum in scholam polytechnicam regiam Berolinensem a. LXIII. transiret, chemiae operam se daturum esse professus est. Inde primum Berolini, tum Gissae, denique Lipsiae hanc artem coluit et Lipsiae quidem Knopii potissimum auctoritate chemiae agricolari operatus est. Scripsit: *'Ueber die Patellarsäure, eine neue Flechtensäure und ihr Vorkommen in der Parnelia scruposa.'*

HERMANNUS AEMILIUS ADOLFUS IOANNES GUERICKE de uita sua haec fere ad nos scripsit: 'Brachwitzii in pago ad Halam Saxonum sito a. d. XIII. Kal. Ian. a. h. s. XLI. natus a patre sacerdote, cum duodecim annos compleuissem, Ecksteinio, uiro optumo, qui Halae tum uersabatur, in disciplinam traditus sum. Cuius schola octo fere per annos frequentata sum egressus, ut litteris sanctis in academia Halensi operam darem. Sanctarum autem litterarum studio quum haud sciam au ducere paene nullo, fieri non potuit quin mecum ipse discordarem. Quo factum

est, ut biennio interiecto ad litterarum earum studium, quod profitentur grammatici, me conferrem. Uniuersitate litt. Halensi triennio exacto relicta praeceptoris domestici per annum functus Suanebergium domum paternam redii, ut litteris studerem. Quod quo melius fieri posset, ciuitati academicae Halensi a. d. XI. Kal. Nou. a. LXVI. curaui me ascribendum et usque ad mens. Octobr. a. LXVII. Halae studiorum causa uersatus iterum domum me rettuli. Eius libellus inscriptus est: *'Bellum Lamiacum secundum scriptores ueteres narratur.'*

RICARDUS KLOTZ de uita sua haec scripsit: 'Ego, Ricardus Klotz, patre Reinholdo philologiae classicae in uniuersitate litt. Lipsiensi professore ordiuario et matre Aemilia de gente Mueller natus sum in uilla patris Kleinzschocheriana prope Lipsiam sita a. h. s. XLVI. die Aprilis tertio. Parentes, quos etiam nunc uiuos colo, quum in ceteris rebus omnibus optime mihi consuluerunt, tum maxime eo, quod me primis litterarum elementis ab Aug. Forker reu. min. candidato inbutum in gymnasio Nicolaitano, quod Nobbio Lipsioque rectoribus tum florebat, ad studia altiora institui uoluerunt. Itaque examen pro maturitate a. LXV. superaui. Atque inde ab hoc tempore in academia Lipsiensi per quattuor annos studiis philologicis me dedidi patris consilio adiutus. Atque scholis praeter patris maxime interfui Georgii Curtii et, ex quo Lipsiae uersabatur, Friderici Ritschelii philologicis, Drobischii et Ahrensii philosophicis, Zarneckii Germanicis, Brockhausii sanscriticis, Roscheri, Wuttikii, G. Voigtii, Eberti, Brandesii, Pueckerti historicis, Ouerbeckii archaeologicis, Ecksteinii paedagogicis. Denique nominandus est Gustauus Haenel, qui mihi non solum de caussis Romanorum publicis exposuit, sed ipsos iuris Romani fontes aperuit. At quum omnia ad studia Graeca et Latina reuocare consilium esset, inprimis gaudeo mihi licuisse, ut et seminarii regii philologici per annum et sex, per quos senioris munere functus sum, menses et seminarii regii paedagogici per unum annum socius essem itemque societatibus Ritschelii et Curtii interesssem, quorum uiuorum eruditioni atque doctrinae quid debeam numquam obliuiscar. His igitur sicut ceteris omnibus summam gratiam habeo semperque habebo.' Dissertatio eius inscripta est: *'De numero anapnestico quaestiones metricae.'*

PART 2

87CL1

3 P. 2

DZ6

RECTOR
COMMILITONIBUS
CERTAMINA ERUDITIONIS

PROPOSITIS PRAEMIIS
IN ANNUM MDCCCLXX

INDICIT

*Præposita est Reinholdi Klotz annotationum ad Ciceronis epistolarum
ad T. Pomponium Atticum missarum libros pars altera.*

LIPSIAE
FORMIS DESCRIPSIT ET UENUMDAT A. EDELMANNUS
LIBRARIUS ACADEMICUS.

70

Dixi nuper de iis locis, qui ex Ciceronis epistolarum ad Atticum missarum libris primo et altero adnotatione nostra indigere uiderentur, iam uenio ad librum tertium. Huius libri unum tractabo locum ex epist. 25. pr., ubi quum in cod. Mediceo et exemplis uetustioribus litterarum formis descriptis legeretur *Post tuum a me discessum*, neque tamen ueri simile esse uideretur Atticum Ciceronem uidisse Dyrrachii, nuper Bootius ac Baiterus de Kahntii coniectura scripserunt: *Post tuum a meis discessum*, id quod non probo. Si quid mutandum est, scribendum mihi uidetur: *Post tuum ab urbe discessum*. Constat enim uocem urbis notis fuisse scriptam, uide H. Keilii *Grammaticos Latinos* uol. III. p. 314. col. 2. n. 8 et 9. tum p. 330. col. 2. n. 29 et 30. et p. 346. col. 2. n. 9. idemque in codice archetypo harum epistolarum fuisse ita institutum inde apparet, quod lib. VIII. epist. 2. § 3. hoc ipsum nomen excidit e cod. Mediceo. Hoc loco mirum est enotari e cod. Helmstadiensi *a nobis* pro *a me*, quod si aliquo modo antiquitus traditum fuerit, poterit e uestigio illius compendii natum fuisse.

Ex libro quarto exempli causa ponam haec. Epist. 1. § 4. nunc iam ex Ascensiana tertia scribendum existumo: *Nunc, etsi omnia aut scripta esse a tuis arbitror aut etiam mutis ac rumore perlata, tamen ea tibi scribam breui, quae te puto potissimum ex meis litteris uelle cognoscere*. Etenim etsi nescimus e quibus codicibus *tibi* in Ascensianam uenerit — dicitur enim 'e codd.' receptum esse pronomen — tamen in cod. Mediceo scriptum est itemque in editionibus uetustioribus *inscribam*, ut id olim *scribam*, id est, *tibi scribam* fuisse uideatur. De nota pronominis *tibi*, quae fuit *ib.*

conferas uelim H. Keilii *Grammaticorum Latinorum* uol. III. p. 281. col. 1. n. 14. p. 314. col. 1. n. 24—27. p. 329. col. 2. n. 23—26. p. 346. col. 1. n. 10. et col. 2. n. 11. aut fuit t scriptum, qua de re conferendus est Guil. Freundius ad M. Tullii *orationem Milonianam* p. VIII. col. 1. n. 77., quod item poterat pro 1, id est, *in* haberi. Eiusdem epistolae § 5. nulla idonea causa excogitari potest, quam ob rem. quum in cod. Mediceo et in antiquis editionibus omnibus scribatur: *Ad urbem ita ueni, ut nemo ullius ordinis homo nomenclatori notus fuerit, qui mihi ob uiam non uenerit praeter eos inimicos, quibus id ipsum, se inimicos esse, non liceret aut dissimulare aut negare.*, uerba *se inimicos esse* omittenda sint. Nam omissis illis uerbis ne hoc quidem intellegitur quo pertineant uerba *dissimulare* aut *negare*. Nam omissione illa facta grammatica ratio hoc loco postulare, ut *ob uiam uenire* supplendum putaremus. Quod si Bootius contulit epist. 8. b. § 4. *ubi nihil erit, quod scribas, id ipsum scribito.*, miror uirum doctissimum non intellexisse longe aliam illius loci esse rationem. Ibi enim nihil aliud intellegi potest nisi hoc ipsum, *nihil esse quod scribas*. Nec minus miror, quod idem Bootius, etiam postquam Fr. Buechelerus in *Mus. Rhen.* nou. ser. uol. XI. p. 512. docuit uerba: *ita sunt res nostrae, ut in secundis plurae, ut in aduersis bonae*, e ueteris cuiusdam poetae uersu petita sibi uideri, epistola huius libri altera § 1. in uerbis his: *prioribus tibi declaravi aduentus noster qualis fuisset et quis esset status atque omnes res nostrae quem ad modum essent, ut in secundis, plurae, ut in aduersis, bonae*, extrema uerba haec: *ut in secundis—bonae*, abiicienda censuisse, quibus abiectis uerbis etiam si constaret sententia, tamen aliquid Ciceronis orationi sine idonea causa detraberetur. Ciceronis enim uidetur interfuisse meminisse Atticum rerum suarum condicionem. Poetae uersum memoria tenuisse Ciceronem etiam tempore posteriore intellegitur, si quidem ad *M. Brutum* lib. I. epist. 10. § 2. scripsit: *Huius belli fortuna, ut in secundis, plurae, ut in aduersis, bona*. Conferantur etiam quae scripsi iam superiore tempore de hoc loco in prooemio *Epistolarum ad Atticum* p. X sq.

Epistola huius libri altera § 2. iam non dubito quin uerum illud sit quod in uetustis editionibus, Iensoniana, Ascensiana, Heruagiana, Cratandrina, legitur: *Acta res est accurate a uobis, et si unquam in dicendo fuimus aliquid,*

aut etiam, si nunquam alias fuimus, tunc profecto doloris magnitudo nim quamdam nobis dicendi dedit. Nam id, quod in cod. Mediceo scriptum est *dolor et magnitudo* casu aliquo etiam ex illa scriptura oriri potuit, quae habet sententiam ad hunc locum aptissimam, illud autem, quod de Guilielmi coniectura Bootius et Baierus nuper reposuerunt: *dolor et rei magnitudo*, ut ingenue fatear quod sentio, ne conuenire quidem huic loco satis uideatur. Expectaueris certe dici: *dolor meus et rei magnitudo*. Sed iam satis erat dici *doloris magnitudo*. Eiusdem epistolae § 4. iam mea quidem sententia uix potest dubitari quin id uerum sit, quod est in cod. Cratandrino inuentum, ut receptis illis uerbis scribatur: *tum M. Lucullus de omnium collegarum sententia respondit religionis indices pontifices fuisse, legis [esse] senatum: se et collegas suos de religione statuisset, in senatu de lege statuturos cum senatu.* Itaque suo quisque horum loco sententiam rogatus multa secundum causam nostram disputauit. Ac primum quidem *esse*, quod M. Seyffertus ante *senatum* interposuit, uerum *esse* uidetur et potuit id ante *senatum* facile obliterari. Recte autem cod. in margine exempli Cratandrini scriptum habet: *in senatu de lege statuturos cum senatu.* Itaque suo quisque et quae sequuntur. Etenim tantum abest ut superuacanea *esse* uideatur uox *cum senatu*, ut ea ipsa ascriptio paene necessaria censenda sit. Pontifices enim in senatu noluerunt ut pontifices iudices *esse*, sed ut senatores una cum ceteris senatoribus rem diiudicare, itaque rectissime adiungitur *cum senatu*, quod nescio quo casu e cod. Mediceo excidit cum aptissima illa uoce, quae sequitur, *itaque*. Quod quum ita sit, laudo Baierum, quod *itaque* recepit, non laudo, quod uerba *cum senatu* non sine uncis reposuit, quae certe uerissima sunt, si *itaque* iure receptum est. Eadem epistola § 6. credo iam recte scribi: *sic enim uostrae rationes, utilitates meae postulabant.* neque id uidetur molestum hoc loco *esse*, quod rationes communes Ciceronis et Attici dicuntur, utilitates propriae Ciceronis: rationes enim sunt consiliorum a Cicerone una cum Attico initorum, utilitates autem commodis eis continebantur, quae ad unum Ciceronem pertinebant.

Sed haec leuiora: grauius illud est, quod epistola huius libri tertia § 3. res admodum plana ac facilis cognitu Bootio Baieroque etiam nunc negotia facessit. Narrat Cicero eo loco de P. Clodii impetu in domum

Milonis facto his quidem uerbis: *Ille omnium uocibus quum se non ad iudicium, sed ad supplicium praesens trudi uideret, omnes Catilinas Acidinos postea reddidit: nam Milonis domum eam, quae est in Cermalo, pr. Idus Nouembr. expugnare et incendere ita conatus est, ut palam hora quinta cum scutis homines, eductis gladiis, alios cum accensis facibus eduxerit: ipse domum P. Sullae pro castris sibi ad eam impugnationem sumpserat. Tum ex Anniana Milonis domo Q. Flaccus eduxit uiros acres, occidit homines ex omni latrocinio Clodiano notissimos: ipsum cupiuit, sed ille se in interiora uetrum Sullae.* His in uerbis primum mirum est, quod Baiterus etiam nunc omnis Catilinas, Acidinos postea reddidit edidit, postquam Bootius, mea quidem sententia rectissimo iudicio usus, uerba: *omnes Catilinas Acidinos postea reddidit*, ita explicauit, ut diceret hanc his uerbis contineri sententiam: P. Clodium facinore suo, quo omnes superiores uicisset, effecisse, ut omnes, qui antea perdit ac facinerosi fuissent, iam in posterum innocentes esse uideantur, ut si quis Catilinae latrocinio se inquinauerit, iam Acidini illius similis esse uideatur, quem olim Scipio ita accuratius descripserit, ut uirum bonum egregiumque ciuem appellaret, ut testis est Cicero *de oratore* lib. II. c. 64. § 260. Et Acidinos sic pro bonis uiris egregiisque ciuibz usurpatos esse Bootius ipse docuit Ciceronis loco *de leg. agr. or.* II. c. 24. § 64. *tum, quem haberet haec res publica Lusinos, Calatinos, Acidinos, homines non solum honoribus populi rebusque gestis, uerum etiam patientia paupertatis ornatos, et tum, quum erant Catones, Philii, Laelii, quorum sapientiam temperantiamque in publicis privatisque, forensibus domesticisque rebus perspexeratis* etc. idemque etiam hanc ipsam formulam, qua Cicero hic usus est in oratione sua, clariorem fecit, quod commemorauit harum epistolarum lib. V. ep. 20. § 1. *nam potui Ciliciam Aetoliam aut Macedoniam reddere?* comparato etiam Orellii *Onomastico Tullian.* uol. VII. p. 376. col. 2. Sed hoc quid sit facile intellegitur, illud magis etiam mirandum est, quod Bootius atque Baiterus non intellexerunt non unam domum Milonis dici, sed duas, praesertim quum Cicero ipse ea orationis perspicuitate rem gestam narrauerit, ut nihil prorsus dubitationis relictum esse uideatur. Nam primum P. Clodius Milonis domum eam, quae erat

in Cermalo, qui erat clius prope montem Palatinum, expugnare et incendere conatus esse dicitur, quum ipse P. Sullae domum pro castris sibi ad eam impugnationem sumpsisset, tum Q. Flaccus, adsecula T. Annii Milonis, ex Anniana Milonis domo, quae erat in cliuo Capitolino quamque T. Milo a T. Annio auo materno, a quo erat adoptatus, hereditate acceperat, eduxisse dicitur uiros acres et occidisse homines ex omni latrocinio Clodiano notissimos. Haec si recte consideramus, nemo *Anniana* uocem, quae uno consensu tradita est antiquitus, delere uolet, id quod cum Bootio uoluit Baiterus, immo illam uocem plane necessariam existumabit esse, ut illa Milonis domus, quae erat in Cermalo, et altera, quae erat in cliuo Capitolino, inter se dignoscantur. Hanc rem quum recte iam Guil. Drumannus in *Historiae Romanae* uol. II. p. 317. adn. 91. exposuerit, permirum est Bootium, qui has epistolas adnotatione illustrare studuerit et re uera multis locis recte enarrauerit, hic tanto opere errauisse.

Huius libri epist. 16. § 8. (14.) leguntur nunc uolgo haec uerba in exemplis formis litterarum descriptis: *Paulus in medio foro basilicam iam paene tenuit iisdem antiquis columnis, illam autem, quam locauit, facit magnificentissimam.*, quae uerba uera esse non possunt. Quis enim dixit unquam *terere basilicam aut porticum columnis?* aut num potest omnino quidquam *teri columnis?* Ac si quaerimus, qua auctoritate illa scriptura nitatur, facile intellegitur hoc ipsum *teruit* omni auctoritate carere. Cod. enim Mediceus ab alt. m. habet *terit*, non *teruit*, ceteri autem libri, quorum notitia nobis facta est, cod. Cratandri, Tornaesianus, tum cod. Med. a pr. m. scriptum exhibent *tererit*. Quod quum ita sit, non dubito quin a M. Tullio profectum sit *erexerat* et lenissima hac mutatione recepta scribo: *Paulus in medio foro basilicam iam paene erexerat iisdem antiquis columnis, illam autem, quam locauit, facit magnificentissimam.* *erigere* enim saepe dictum esse in aedificiis exstruendis satis notum est, neque est quod dicam de plusquamperfecto, quod tum rectissime ponitur, quum de re perfecta dicitur eo tempore, quo missa epistola est.

Deinde epist. 17 (18). § 1. haec scriptura antiquitus tradita est: *sed, quoniam loca et itinera tua nihil habere certi uideo, neque in Epirum neque Athenas neque in Asiam neque cuiquam nisi ad te ipsum proficiscenti dedi*

litteras, quibus in uerbis apparet tertium *neque*, quod ante uocem *cuiquam* est, superuacaneum esse, itaque uolgo a grammaticis sublatum est. Uidendum tamen est an forte exciderit aliquid et, quoniam itinerum Attici mentio facta est, suspicor olim hic scriptum fuisse: *neque in Ep̄orum neque Athenas neque in Asiam neque quoquam cuiquam nisi ad te ipsum propiciiscenti dedi litteras*. Facile enim *quoquam* ante *cuiquam*, praesertim quum id scriptum esset *quoquam*, excidere potuit.

Postremo in huius libri epist. 18. § 2. (16. § 10.) legimus nunc apud Bootium et Baiterum: *locus ille animi nostri, stomachus ubi habitat, olim concalluit*, quibus in uerbis uiris doctissimis Nonius praeiuit p. 90, l., ubi utique haec uerba habentur: *CONCALLUIT*. M. Tullius ad Atticum lib. III.: *locus ille animi nostri, stomachus ubi habitat, olim concalluit*. Sed tantum abest ut Nonii auctoritati hoc loco obsequar. ut eam scripturam, quae in Ciceronis libris antiquitus tradita est, longe anteferendam esse existimem. In cod. igitur Mediceo legitur: *locus ille animi stomachus ubi habitat olim concalluit*, itemque in editionibus Iensoniana, Heruagiana, Cratandrina, nisi quod ibi *hebetabat* pro *habitat* scriptum est. Haec uerba Orellius olim et ego ipse ita interpungenda putauimus: *Locus ille animi nostri, stomachus ubi habitat olim, concalluit: privata modo et domestica delectant*. atque ego etiamnunc illam rationem arbitror esse obtinendam. Nam quod Bootius Nonii auctoritatem appellauit, qui ut *concalluit* pro *concabuit*, ita etiam *habitat* pro *habitat* recte seruasset, errauit primum uir doctus in *concalluit*, quod non est in Nonii libris aliter scriptum atque in Ciceronis, deinceps nihil causae est cur in uoce *habitat* pluris Nonii librorum quam Ciceronis auctoritatem faciamus, quia Nonius non de hoc ipso uerbo disputauit et facile *habitat* et *habitat* commutari potuerunt in uerbis illis, quae ad rem minus pertinere uiderentur. Quod autem Bootius, ut scripturam suam firmaret, attulit locum Ciceronis, quem ipsum iam Nonius commemorauit, e lib. *de natura deorum* III. c. 10. § 25. *callidos autem (appello), quorum tanquam manus opere, sic animus usu concalluit*, non uideo quid sibi uoluerit. Nam, si Cicero alio loco dixit *animus concalluit*, potuit hic eodem modo dicere: *locus ille animi—concalluit*, qua de re nemo dubitauerat. Sin altero loco, quem apposuit e Ciceronis *epistolarum* lib. IX.

epist. 2. § 3. et tamen *λεληθότως* consuetudo diuturna callum iam obduxit stomacho meo., sententiam suam Bootius putat stabiliri, ne isto quidem loco quidquam efficitur. Nam si Cicero dixit *stomacho consuetudo callum obduxit*, eo minime efficitur, dicere non potuisse illum locum, ubi stomachus habitaret, concalluisse. Dicitur autem hoc loco subtilius et elegantius: *Locus ille animi nostri, stomachus ubi habitat olim, concalluit*, quam: *Locus ille animi nostri, stomachus ubi habitat, concalluit*. Illud est: Pars illa animi nostri, in qua iracundia antea sedem suam habebat, ita durata est, ut non facile aut omnino non moueatur. Hoc, quod anteposuit Bootius, ita dicitur: Pars illa animi nostri, in qua iracundia sedem suam habet, antea aut superiore iam tempore durata est, quibus in uerbis etiam tacente me apparet *olim* non suo loco positum esse: nam non quaeritur quo tempore durata sit animi pars, sed hoc unum requiritur, ut dicatur esse duratam. Illud autem multo aptius est dici, eum animi locum, ubi antea, id est, *olim*, iracundia sedem habuisset, concalluisse. Itaque ego non dubito quin Cicero scripserit: *Locus ille animi nostri, stomachus ubi habitat olim, concalluit*, potius quam: *Locus ille animi nostri, stomachus ubi habitat, olim concalluit*. Quod autem in antiquis quibusdam editionibus adiungitur, omissum in cod. Mediceo: *ut digerantur multa cruda facilius*, id ego e glossemate natum suspicor olim ita scriptum fuisse: *ut digerantur multo cruda facilius*.

Libro quinto epist. 1. § 3. M. Tullius refert sermonem Quinti fratris cum Pomponia et Arcani mentione facta scribit: *quo ut uenimus, humanissime Quintus: 'Pomponia', inquit 'tu inuida mulieres, ego acciuero pueros'* quem ad modum nunc haec uerba edita sunt. In cod. Mediceo pro *ego acciuero pueros* legitur a pr. manu: *ego asciuero pueros*, ab alt. manu: *ego uero asciuero pueros*. Editionum ueterum Romana habet *ego asciuero pueros*, ceterae fere *ego acciuero pueros* praeter Iensonianam, in qua legitur *ego uero acciam pueros*, quod Ernestius recepit. Equidem nec *asciuero* nec *acciuero* uerum esse arbitror nec *acciam*, quoniam in ea re haec uerba usitata non sunt, nec uero *pueros* hic dici potuit, ubi opponuntur, ut apparet, mulieres. Quam ob rem Malaspina mihi uerum uidisse uidetur, qui *uiros* reponi uoluit pro *pueros*, nec tamen, quod ille scribendum putauit:

ego uiros arcuero accipio. Nam pueros legitur fere constanter extremo loco neque arcuero propter uerbi usum uerum esse potest. Quae quum ita sint, credo ego M. Tullium potius scripsisse: *Pomponia, — tu inuita mulieres, ego uero accipiam* (uel accipio) uiros. Etenim si hoc ita scriptum fuit, ut uidetur scriptum fuisse, si Iensonianae editionis rationem habemus: § ū acciām uiros, aut etiam acciō uiros, facile illae scripturae oriri poterunt. accipio aut accipiam hoc quidem loco illud uerbum est, quod unus quisque, qui simplicitatem huius sermonis considerauerit, requiret. Et uerbum accipiendi hic uerum esse etiam I. Fr. Gronouius sensit, qui scribi uoluit: *ego accepero uiros*, quod propter futurum exactum uerum esse non potest. De uerbo accipere Bootius, quamquam ipse edidit: *ego uiros acci- uero*, attulit Plauti *Cist. I. 1, 12. Most. I. 4, 6.*

Huius libri epist. 2. § 2. editum nunc est: *hunc hominem parum gra- tum quisquam putet? aut non in eo ipso laudandum, quod audiri non laborarit.* et sic Bootius necessario scribendum esse existumat propter nescio quod arbitrium, quod Cicero Vestorium inter et Rufionem agendum fuisset, qua in re mihi uerum uidisse non uidetur. Controuersiam fuisse Vestorio cum Ru- fione apparet, sed a Cicerone audiendum fuisse Rufionem de ea re numquam scriptum est, et, quum locum per se consideramus, facile intellegitur eam scripturam, quae est in cod. Cratandrino *laudari pro audiri*, unice ueram esse. Nam quid sibi uelint uerba *in eo ipso laudandum*, si non sequeretur *laudari non uideo*. Tum enim satis erat dicere *in eo laudandum*, non *in eo ipso laudandum*. Itaque edendum iam curaui: *hunc hominem parum gra- tum quisquam putet? aut non in eo ipso laudandum, quod laudari non labo- rarit?*

Epist. 7. in loco, qui admodum corruptus in libris manuscriptis et ex parte etiam in editionibus uetustioribus legitur in hunc fere modum: *sed tamen ut mandatum scias me curasse quod ante ad (antea id Cod. Cratandri) se Pompeius qui nos praefectos delaturum nouos uacationes iudiciariam causam,* recte priora uerba emendata maxime secundum cod. Cratandrinum ita sunt: *sed tamen ut mandatum scias me curasse, quot ante ait se Pompeius quinos praefectos delaturum, et de ea re credo dubitaturum esse neminem:* quod uero cetera uerba signo quidem corruptelae appposito intacta relique-

runt, id non probo. Eorum enim uerborum et facilis admodum et satis certa emendatio uidetur esse haec: *non uero uacationes iudiciariam causarum*, quae uerba si nō ū pro non uero scriptum erat, ut haec fere scribi solita sunt, tum *iudiciariae causae* pro *iudiciariam causarum*, facile ita mutari poterant, ut sunt mutata in libris, ut de scriptura ipsa mihi plane non uideatur dubitari posse. Sed res etiam satis plana atque aperta est. Et enim uacationes scimus a multis fuisse expetitas quo minus iudiciis ope- ram darent, ut ab auguribus, qua de re conferendus est Cicero in *Bruto* c. 31. § 117., ad quem locum iure Fr. Ellendtus attulit *ad Atticum* lib. XII. epist. 18. § 3, a philosophis, qua de re conferri potest Plinii *epistola ad Traianum* 58 (66). § 1. *Quum citarem iudices, domine, conuentum incohaturus, Flavius Archippus uacationem petere coepit ut philosophus.* Ad oratoris ope- ram a iudiciaria translata re dicitur apud Ciceronem *de legibus* lib. I. c. 4. § 11. *quod sustinere quum uel summa senectus posse uideatur, nullam tibi a causis uacationem uideo dari.* et alio modo rursus dicitur a Seneca in *hul. de morte Claudii* c. 11. § 5. *placet mihi in eum seuerè animaduerti nec illi rerum iudicandarum uacationem dari etc.*

Epist. 10. § 3. legimus nunc fere in exemplis litterarum formis de- scriptis: *Dices: 'Quid adhuc? Nondum enim in negotio uersaris.'* Scio, et puto molestiora restare. ac nemo, credo, de hac scriptura dubitaret nisi in libris manuscriptis itemque in libris litterarum formis superiore tempore expressis legeretur non scio, sed nescio. Quod quamquam uerum non est, ducit tamen ad ueram scripturam hanc: *Non nescio et puto molestiora restare.* Non ignoro et alia id genus multa saepe Cicero scripsit, non nescio eodem modo Quintilianus *inst. or. lib. II. c. 17. § 21.* Saepissime autem non negatio compendio scripta in his ipsis epistolis e Ciceronis oratione excidit, ueluti paullo post non ante *perscribo* deest in cod. Mediceo. conf. lib. III. ep. 17. § 7. lib. V. ep. 20. § 5., quo quidem in loco non ante multis sauciis de coniectura mea addidi. In eadem § legimus: *ita multa uel iracunde uel insolenter uel in omni genere stultitiae insulse, adroganter et dicuntur et tacentur cotidie.* Sed nemo docuit nec poterit, ut opinor, docere quid sibi uelint hoc loco uerba: *in omni genere stultitiae*, ut taceam de asyndeto, quod est in uerbis *insulse, adroganter.* Equidem non dubito quin uerum illud sit,

quod legitur in cod. Cratandrino *stulte pro stultitiae*, quam scripturae discrepantiam ipsam Baiterus ne adnotauit quidem, ut scribatur: *ita multa uel iracunde uel insolenter uel in omni genere stulte, insulse, adroganter et dicuntur et tacentur cotidie*. Est illud *οχιμα* orationis, quo primum per polysyndeton aliquid proponitur generatim, deinceps singillatim per asyndeton profertur, quo de schemate dixit Donatus ad Terentii *Phorm.* act. II. sc. I. u. 13. uol. II. p. 411. 22. ed. Klotz.

Denique huius libri epist. 21. § 13. legimus nunc fere in libris litterarum formis expressis: *L. Luccius M. f. queritur apud me per litteras summum esse periculum, ne culpa senatus his decretis res ad tabulas novas perueniat: commemorat quid olim mali C. Iulius fecerit, quum dieculam duxerit, nunquam rei publicae plus*. Sed praeterquam quod haec scriptura, si sententiam consideraues, non satis facit, quoniam, si dies solutionis profertur, id uix per uerbum ducendi reddi potest, quo non certa diei prolatio significatur, sed tantum mora qua acta diecula esse uideatur declaratur, etiam antiquitus haec scriptura tradita non est. Legitur enim *dixerit*, non *duxerit*, in libris. Quae quum ita sint, uix uidetur dubium esse quin Cicero scripserit: *commemorat quid olim mali C. Iulius fecerit, quum dieculam prodixerit: nunquam rei publicae plus*. Et *prodixerit*, si compendio satis noto scriptum erat *prodixerit*, facile in *dixerit* commutari potuit. Est autem hoc uerbum in hac re fere usitatum, conferas uelim Ciceronis orat. de domo sua c. 17. § 45. *nam quum tam moderata iudicia populi sint a maioribus constituta — ne nisi prodicta die quis accusetur, ut ter ante magistratus occuset intermissa die, quam multam irroget aut iudicet, quarta sit accusatio trinum mundinum prodicta die, quo die iudicium sit futurum etc.* Liuii lib. II. c. 61. § 7. *adeoque constantia sua et tribunos obstupescit et plebem, ut diem ipsi sua uoluntate prodicerent, trahi deinde rem sinerent*. Haud ita multum interim temporis fuit, ante tamen quam prodicta dies ueniret, morbo moritur. et lib. III. c. 57. § 6. *tribunus ei diem prodixit*. atque alia eius modi multa.

Lib. VI. epist. 2. § 7. legimus nunc: *sed et tum praesens et postea creberrimis litteris non destiti rogare et petere mea causa, suadere et hortari sua etc.* Sed quum in libris manu scriptis litteris non habeatur, potest etiam plus hoc loco excidisse et quum recordamur dictionem Ciceroni admodum usi-

tatam, de qua dixi in prooemio libris *epistolarum ad fam.* praeposito ed. alt. suspicari possumus olim fortasse hic lectum esse: *et postea creberrimis litteris et nuntiis non destiti rogare et petere etc.*

Eiusdem libri epist. 9. § 1. est scriptum in libris: *In Piraea quum exissem pridie Idus Octobr., accepi ab Acasto seruo meo statim tuas litteras, quas quidem quum expectassem iam diu, admiratus sum, ut uidi obsignatam epistolam, breuitatem eius, ut aperui, rursus σίγῃσι litterarum, quae solent tuae compositissimae et clarissimae esse etc.*, quibus in uerbis extremis quum non satis constaret ratio constructionis, plerique critici auctore Lambino pronomen *tuae* suppositicium esse existumauerunt. Ego contra existumo et puto pro *quae* scribendum esse *quia*, quae uoces saepe inter se commutatae sunt, qua recepta scriptura omnia recte procedunt: *quia solent tuae (litterae) compositissimae et clarissimae esse*.

Libri VII. epist. 8. § 5. haec dicuntur de Cn. Pompeio: *Quid multa? non modo non expetere pacem istam, sed etiam timere uisus est*, quibus in uerbis *pacem istam* Cicero ita dicit, ut Cn. Pompeius in prouinciam Hispaniam abeat, C. Caesar consul fiat. Iam sequuntur haec uerba in cod. Mediceo: *ex illa autem sententia relinquende urbis etc.* Quae uerba quum idoneam sententiam non haberent, nunc fere de Ernestii coniectura scriptum est: *Illa autem sententia non relinquendae urbis mouet hominem, ut puto.*, quae scriptura neque cum ea lectione, quae antiquitus tradita est, consentit neque rectam sententiam efficit. Quod quum ita sit, credo ego leniore uerborum mutatione scribendum esse: *Ex illa autem sententia causa relinquendae urbis mouet hominem, ut puto*. Sic haec nascitur sententia: 'Cn. Pompeius mauult, ut mihi uisus est, pugnare quam depecisci cum C. Caesare, ut ille consul fiat, ipse in Hispaniam abeat. Ex illa autem sententia, ut pax sit cum Caesare, eo mouetur, quod non uult urbem relinquere.' At de forma orationis, quam ego e cod. Mediceo restitui, conferas uelim Ciceronis lib. de natura deorum III. cap. 2. § 5. *nec me ex ea opinione, quam a maioribus accepi de cultu deorum immortalium, ullius unquam oratio aut docti aut indocti mouebit*. Quod autem *causa* restitui pro ea nota, quae est in cod. Mediceo *ī*, nemo, opinor, mirabitur, quoniam uox *causa* per notam

scribi solita est aut ē, uide H. Keilii *Grammat. Latin.* uol. III. p. 278. col. 1. u. 10. p. 289. col. 1. u. 32. col. 2. u. 29. p. 305. col. 2. u. 16. p. 317. col. 2. u. 3 et 4. p. 336. col. 2. u. 19., aut ēa, uide H. Keilii *Gramm. Lat.* l. c. p. 289. col. 1. u. 29. p. 305. col. 2. u. 15 et 16. Simile autem compendium olim hic in codice archetypo fuisse declarant antiqua exempla Romana et Cratandrina, in quibus eo loco scriptum est *ira*.

Eiusdem libri epist. 10. legitur nunc fere: *Gnaeus noster quid consilii ceperit capiatue nescio, adhuc in oppidis coartatus et stupens. Omnes, si in Italia consistat, erimus una; sin cedet, consilii res est.* Sed haec ipsa uerba, quae bonam sententiam non habent, eduntur etiam sine certa auctoritate. Nam in cod. Mediceo est: *coartatus. Set* (superscr. et) *stupens.* eaque scriptura est etiam in editionibus antiquis, tum autem habent exempla Iensoniana, Ascensiana, Cratandrina *stupent*, non *stupens*, scriptum. Quid multa? apparet olim haec uerba sic scripta fuisse: *Gnaeus noster quid consilii ceperit capiatue nescio: adhuc in oppidis coartatus est. Stupent omnes. Si in Italia consistat, erimus una: sin cedet, consilii res est.* uerba: *adhuc in oppidis coartatus est*, spectant ad eam rationem, qua usque adhuc Pompeius copias suas nondum explicauit, sed in oppidis collocatas habuit, id quod Bootii causa commemoro, qui id parum intellexit. Et *coartatio militum* in eius modi re proprie dicitur, ut apparet ex incerti auctoris *bell. Alex.* cap. 74. § 4.

Eiusdem libri epist. 15. § 2. legimus nunc in exemplis fere ita scriptum: *Uni Fauonio leges ab illo nobis inponi non placebat, sed is haud auditus in consilio.* Id uerum esse non potest, quod neque in libris ea scriptura est et a Ciceronis consuetudine dicendi uehementer abhorret, quae de re conferendus est Rud. Stuerenburgius ad Ciceronis *de officiis* libros p. 145. ed. alt. Quam ob rem ego scribendum existumaui: *sed is auditus in consilio non est*, quae recepta scriptura omnia procedunt rectissime, saepe autem non negationem omissam esse aliquoties in his ipsis libris agnouimus.

Deinceps epist. 20. § 1. legitur nunc ex auctoritate cod. Medicei: *Breuiloquentem iam me tempus ipsum facit; pacem enim desperavi, bellum nostri nullum administrant. caue enim putes quicquam esse minoris his consiliis,*

quorum ego spe audiendi aliquid et cognoscendi nostri apparatus maximo imbri Capuam ueni pridie Nonas, ut eram iussus. Illi autem nondum uenerant, sed erant uenturi, inanes, inparati. Sed quum in extremis his uerbis in cod. Cratandrino legatur: *adhuc, id est Nonis, nondum uenerant* minime dubito quin hac recepta scriptura legendum sit: *illi autem adhuc, id est Nonis, nondum uenerant* etc. Nam quam facile haec et quae sunt eius modi e libris excidere potuerint etiam tacente me ultro intellegitur. De forma orationis autem ipsa conferas uelim supra lib. III. epist. 23. § 1. *lege enim ab octo tribunis pl. promulgata scribis te eas litteras eo ipso die dedisse, id est, a. d. IIII. kal. Nouembres.* et infra lib. X. epist. 10. § 3. *erat autem I. Nonas uenturus uesper, id est, hodie.*

Libri VIII. epist. 3. § 4. locus habetur difficillimus, a multis tractatus, sed nondum, ut mihi uidetur, persanatus. Conqueritur Cicero de conditione rei publicae, quam fuga Cn. Pompeius deserere uideatur. Itaque dicit: *denique nulla causa, nullae vires, nulla sedes, quo concurrant qui rem publicam defensam uelint: Apulia delecta est, inanissima pars Italiae et ab impetu huius belli remotissima: fuga et maritima opportunitas uisa quaeri desperatione.* Tum sequuntur uerba, quae in cod. Mediceo a pr. manu leguntur ita: *in te cepit*, ab alt. manu: *inuente cepi.* Haec corrupta esse apparet. Credo tamen non esse difficilem horum uerborum emendationem, si litteras, quae sunt in libris, aliter digerantur. Et legitur a prima manu in cod. Mediceo *desperationem in te*, ab alt. manu *desperatione inuente*, ut facile intellegatur compendium corruptelae causam dedisse. Quam ob rem credo ego primum scriptum a Cicerone esse: *fuga et maritima opportunitas uisa quaeri desperatione victoriae.* Quod autem postea sequitur: *cepi* aut *cepi Capuam*, uerum esse non potest, quoniam contraria sententia requiritur, quam restitui ita uoluit Fr. Hofmannus, ut *Non recepi*, H. A. Kochius, ut *nolui accipere* scriberet. Mihi uidetur pro *cepi* restituendum esse *reieci Capuam*. conf. infra epist. 11. D. § 5. *Quod quum ita sit, maxime uellem primum semper tecum fuissem, quod quidem tibi ostenderam, quum a me Capuam reieciēbam.* et epist. 12. § 2. *nam certe neque tum peccaui, quum inparatam Capuam, non solum ignauiae delictum, sed etiam perfidiae suspicionem fugiens, accipere nolui.* Recepta autem illa scriptura et interpunctione

Fr. Büchelero auctore, qui in Mus. Rhen. ser. nou. uol. XIII. p. 591. de hoc loco disputauit, mutata totus locus iam ita scribendus uidetur: *Apulia delecta est inanissima pars Italiae et ab impetu huius belli remotissima, fuga et maritima opportunitas uisa quaeri desperatione uictoriae. Reieci Capuam, non quo minus illud defugerem, sed in ea causa, in qua nullus esset ordinum, nullus apertus priuatorum dolor, bonorum autem esset aliquis, sed hebes, ut solet, et, ut ipse sensissem, multitudo et infimus quisque propensus in alteram partem, multi mutationis rerum cupidi, dixi ipsi me nihil suscepturum sine praesidio et sine pecunia: itaque habui nihil omnino negotii, quod ab initio uidi nihil quaeri praeter fugam etc.*

Eiusdem libri epist. 5. § 1. editum nunc fere est: *Conieceram in fasciculum una cum tua uehementem ad illum epistolam. Haec ad me referri uolo, nec ullam ob aliam causam Pollicem, seruum a pedibus meum, Romam misi.* Est hic unicus locus, in quo dicatur a Cicerone seruus a pedibus, et abhorre hanc orationem a Ciceronis sermone usitato iam sensisse uidetur Ursinus, qui haec uerba abiicienda potius quam emendanda censuit. Iam hoc nos commonefacere debebat, ne temere Victorium in constituenda huius loci scriptura sequeremur, etiam si scripturam antiquitus constanter traditam defendendam non censeremus, quae est eius modi: *nec ullam ob aliam causam Pollicem a pedibus meis Romam misi*, eaque habet sententiam ad hunc locum aptissimam et minime mutanda fuit. Si esset Pollex homo pari condicione, diceret scilicet Cicero: *a latere meo Romam misi*, ut dicitur in libro *de amicitia* cap. 1. § 1. *ego autem a patre ita eram deductus ad Scaeuolam sumpta uirili toga, ut, quoad possem et liceret, a senis latere nunquam discederem.* Neque enim cuius operae seruus sibi ille fuerit, hic Cicero uult dicere, sed se misisse subito a latere suo et ab eo loco, ubi commodum erat, id est, a pedibus suis, Pollicem, ut illam uehementer scriptam epistolam ab Attico referret. Hoc facile esset ad intellegendum, etiam si plane similem huius locum non haberemus, habemus autem apud ipsum Ciceronem in oratione *pro rege Deiotaro* cap. 1. § 2. haec uerba: *Crudelem Custorem, ne dicam sceleratum et inpium, qui nepos auum in capitis discrimen adduxerit — aut seruum corruptum praemiis ad accusandum dominum impulerit, a legatorum pedibus abdukerit.* Neque enim a legatorum pedibus, si orationis colorem detrahas, aliud est nisi a legatis, neque abhorret illud, quod di-

citur alio quodam modo, sed similiter tamen in Ciceronis oratione *Cluentiana* cap. 13. § 38. *in eum inuadent et hominem ante pedes Q. Manlii, qui tum erat triumphator, constituunt.*

Eiusdem libri epist. 14. § 1. legitur nunc fere hoc: *eo modo autem ambulat Caesar et iis diariis militum celeritatem incitat, ut tineam ne citius ad Brundisium, quam opus sit, accesserit.* Uerum tamen recte hoc mihi Bootius demonstrauisse uidetur, et iis diariis, quum hoc nomine cibi in dies demensi significantur, non satis recte se habere, sed quod ipse de Peerlcampii sententia dictis uel dicteris reponi noluit, ut aperte dicam quod sentio, etiam minus placet. In cod. Mediceo a pr. manu est *ecusdiaris*, ab alt. m. et iis diariis. Editiones ueteres habent et his triariis. Equidem credo hoc quoque loco olim compendium fuisse et hoc reponendum esse de coniectura mea censeo: *et iis congiariis militum celeritatem incitat. congiariis* si scriptum fuit: *ogiaris*, ut fere scribi solitum est, facile in diariis aut triariis corrumpi potuit. *congiarium* autem in donis militaribus dicitur etiam infra lib. XVI. epist. 8. § 2. *ecae congiarium ab Antonio accipere noluerunt*, et apud Q. Curtium *de reb. gestis Alex. Magni* lib. VI. cap. 2. § 10. *duodecim milia in congiarium militum absumpta sunt.* et haud scio an etiam in Caesaris lib. *de bello civili* III. cap. 53. § 6., quem locum Bootius excitauit, scribendum sit: *cohortemque postea duplici stipendio, frumento, ueste, congiariis, militariibus donis amplissime donauit.* Nam quae sunt eo loco in libris antiquae scripturae uestigia: *uespetiarius, uespetiarius*, eo ducunt, ut olim ibi quoque *ueste cgiarius* scriptum fuisse existumemus.

Denique huius libri epist. 16. § 2. haec uerba leguntur in cod. Mediceo: *etsi qua spe proficiscar uideo coniungoque me cum homine magis ad uastandam Italiam quam ad uincendum parato, domum quem exspecto.* neque aliter editiones ueteres locum scriptum habent. Cratander edidit *domitum quem exspecto* et in margine adnotat in codicibus antiquis *donū* aut *domū* legi. Alii aliter huic loco subueniendum esse censuerunt. Ego non dubito quin Cicero scripserit: *etsi qua spe proficiscar uideo coniungoque me cum homine magis ad uastandam Italiam quam ad uincendum parato, domumque exspecto.* Id quo spectet uix est quod doceam. Nam quid de Cn. Pompeii uoluntate itemque de C. Caesaris censuerit Cicero apparet in

Fr. Büchelero auctore, qui in Mus. Rhen. ser. nou. uol. XIII. p. 591. de hoc loco disputauit, mutata totus locus iam ita scribendus uidetur: *Apulia delecta est inanissima pars Italiae et ab inpetu huius belli remotissima, fuga et maritima opportunitas uisa quaeri desperatione uictoriae. Reieci Capuam, non quo munus illud defugerem, sed in ea causa, in qua nullus esset ordinum, nullus apertus priuatorum dolor, bonorum autem esset aliquis, sed hebes, ut solet, et, ut ipse sensissem, multitudo et infimus quisque propensus in alteram partem, multi mutationis rerum cupidi, dixi ipsi me nihil suscepturum sine praesidio et sine pecunia: itaque habui nihil omnino negotii, quod ab initio uidi nihil quaeri praeter fugam etc.*

Eiusdem libri epist. 5. § 1. editum nunc fere est: *Conieceram in fasciculum una cum tua uehementem ad illum epistolam. Hanc ad me referri uolo, nec ullam ob aliam causam Pollicem, seruum a pedibus meum, Romam misi.* Est hic unicus locus, in quo dicatur a Cicerone *seruus a pedibus*, et abhorre hanc orationem a Ciceronis sermone usitato iam sensisse uidetur Ursinus, qui haec uerba abiicienda potius quam emendanda censuit. Iam hoc nos commonefacere debebat, ne temere Victorium in constituenda huius loci scriptura sequeremur, etiam si scripturam antiquitus constanter traditam defendendam non censeremus, quae est eius modi: *nec ullam ob aliam causam Pollicem a pedibus meis Romam misi*, eaque habet sententiam ad hunc locum aptissimam et minime mutanda fuit. Si esset Pollex homo pari condicione, diceret scilicet Cicero: *a latere meo Romam misi*, ut dicitur in libro de amicitia cap. 1. § 1. *ego autem a patre ita eram deductus ad Scaeuolam sumpta uirili toga, ut, quoad possem et liceret, a senis latere nunquam discederem.* Neque enim cuius operae seruus sibi ille fuerit, hic Cicero uult dicere, sed se misisse subito a latere suo et ab eo loco, ubi commodum erat, id est, a pedibus suis, Pollicem, ut illam uehementer scriptam epistolam ab Attico referret. Hoc facile esset ad intellegendum, etiam si plane similem huius locum non haberemus, habemus autem apud ipsum Ciceronem in oratione pro rege Deiotaro cap. 1. § 2. haec uerba: *Crudelem Castorem, ne dicam sceleratum et inpium, qui nepos auum in capitis discrimen adduxerit — aut seruum corruptum praemius ad accusandum dominum inpulerit, a legatorum pedibus abduzerit.* Neque enim a legatorum pedibus, si orationis colorem detrahas, aliud est nisi a legatis, neque abhorret illud, quod di-

citur alio quodam modo, sed similiter tamen in Ciceronis oratione *Cluentiana* cap. 13. § 38. *in eum inuadunt et hominem ante pedes Q. Manlii, qui tum erat triumphator, constituent.*

Eiusdem libri epist. 14. § 1. legitur nunc fere hoc: *eo modo autem ambulat Caesar et iis diariis militum celeritatem incitat, ut tuncam ne citius ad Brundisium, quam opus sit, accesserit.* Uerum tamen recte hoc mihi Bootius demonstrauisse uidetur, et iis diariis, quum hoc nomine cibi in dies demensi significantur, non satis recte se habere, sed quod ipse de Peerlcampi sententia dictis uel dieteris reponi uoluit, ut aperte dicam quod sentio, etiam minus placet. In cod. Mediceo a pr. manu est *ecusdiaris*, ab alt. m. et iis diariis. Editiones ueteres habent et his triariis. Equidem credo hoc quoque loco olim compendium fuisse et hoc reponendum esse de coniectura mea censeo: *et iis congiariis militum celeritatem incitat.* congiariis si scriptum fuit: *cgariis*, ut fere scribi solitum est, facile in diariis aut triariis corrumpi potuit. congiarium autem in donis militaribus dicitur etiam infra lib. XVI. epist. 8. § 2. *cae congiarium ab Antonio accipere noluerunt*, et apud Q. Curtium de reb. gestis Alex. Magni lib. VI. cap. 2. § 10. *duodecim milia in congiarium militum absumpta sunt.* et haud scio an etiam in Caesaris lib. de bello civili III. cap. 53. § 6., quem locum Bootius excitauit, scribendum sit: *cohortemque postea duplici stipendio, frumento, ueste, congiariis, militaribus donis amplissime donauit.* Nam quae sunt eo loco in libris antiquae scripturae uestigia: *uespetiarnis, uespetiarnis*, eo ducunt, ut olim ibi quoque *ueste cgariis* scriptum fuisse existumemus.

Denique huius libri epist. 16. § 2. haec uerba leguntur in cod. Mediceo: *etsi qua spe proficiscar uideo coniungoque me cum homine magis ad uastandam Italiam quam ad uincendum parato, domum quem exspecto.* neque aliter editiones ueteres locum scriptum habent. Cratander edidit *domum* quem exspecto et in margine adnotat in codicibus antiquis *donū* aut *domū* legi. Alii aliter huic loco subueniendum esse censuerunt. Ego non dubito quin Cicero scripserit: *etsi qua spe proficiscar uideo coniungoque me cum homine magis ad uastandam Italiam quam ad uincendum parato, domumque exspecto.* Id quo spectet uix est quod doceam. Nam quid de Cn. Pompeii uoluntate itemque de C. Caesaris censuerit Cicero apparet in

illa epistola, quae est huius libri undecima § 2. Hoc Gnaeus noster quum antea nunquam, tum in hac causa minime cogitauit: dominatio quaesita ab utroque est, non id actum, beata et honesta ciuitas ut esset. Nec uero ille urbem reliquit, quod eam tueri non posset, nec Italian, quod ea pelleretur, sed hoc a primo cogitauit, omnes terras, omnia maria mouere, reges barbaros incitare, gentes feras armatas in Italiam adducere, exercitus conficere marinos. Gens illud Sullani regni iam pridem appetitur, multis, qui una sunt, cupientibus. An census nihil inter eos committere, nullam pactionem fieri potuisse? Hodie potest, sed neutri ἀγοπῶς est ille, ut nos beati simus: uterque regnare uult.

Sed missis his rebus grammaticis iam uenio ad eam rem, quae mihi scribendi causam fecit. Pronuntiandum est enim quo euentu Commilitones hoc anno de praemiis eruditionis concertauerint.

Ac Theologorum quidem Ordo haec ad nos rettulit: 'Ordini Theologorum, qui quaestionem: Quanam sit Sapientiae in libris Iobi et Prouerbiorum praedicatae natura exponatur, una tradita est dissertatio, cui inscriptum erat: *Πᾶσα σοφία παρὰ κυρίου.*' Auctor in hac quaestione expedienda non, ut debebat, historice uersatus est, ut ostenderet, quanti momenti fuissent temporibus Uet. Test. ea, quae libri Iobi et Prouerbiorum de Sapientia perhibent ad dei cognitionem promouendam, sed satis habuit comprobare id, quod hodie uix quisquam negat, Sapientiam in utroque libro neque Philonea neque Iohannea ratione tamquam personam cogitatam esse; at tamen rem suam tam scite et sobrie egit et sermonis Latini tam peritum se praestitit, ut dissertatio eius honorifica mentione digna uideatur. Tessera rescissa nomen prodit:

ARNO BLIEDNER
theologiae studiosus.

Ordini Iure consultorum de quaestione, quae superiore anno proposita erat, scripti nihil traditum est.

Nec quaestio, quam Ordo Medicorum proscripserat, inuenit qui eam solueret, itaque ea quaestio iam sublata est.

Ordini Philosophorum duo traditi libelli sunt scripti de quaestione illa, quae erat ab altera huius ordinis classe proposita: *Psychologische Entwicklung*

der Lehre vom Willen, in kritischer Berücksichtigung der vornehmsten neueren Ansichten und in Darlegung der wesentlichen Beziehungen zu den ethischen Wissenschaften. Horum libellorum auctoribus, quamquam diligentia in scriptis posita laudanda erat, tamen praemium propterea tribui non potuit, quod uitiosa multa in eorum libellis inerant. Horum Commilitonum liberum erit arbitrium uelintne nomina sua apud decanum Ordinis Philosophorum profiteri. Quod si fecerint, uoluntas est Ordinis, quoad eius fieri poterit, id efficere, ut eorum diligentiae aliquod emolumentum nascatur. De quaestionibus a ceteris huius Ordinis classibus propositis certatum non est.

Iam argumenta in annum, qui instat, ad certandum proposita indicanda sunt.

Ordo Theologorum quaestionem proponit:

De ratione, quae intercedit inter epistolam Barnabae et epistolam ad Hebraeos.

Ordo Iure consultorum:

Poenae ecclesiasticae iuris canonici earumque natura exponantur.

Ordo Medicorum:

Beschreibung der Wirkungen des Chloralhydrats auf den thierischen Organismus.

Ordinis Philosophorum classis prima:

Die Verschiedenheit der Zustände in den germanisirten Slawenländern und in den deutschen Ländern soll geschichtlich ausgeführt und ihr Einfluss auf die spätere Entwicklung Deutschlands dargelegt werden.

Eiusdem Ordinis classis altera:

Prüfung von Schopenhauer's Kritik des Kant'schen Fundaments der Ethik und Beurtheilung seines Moralprinzips (vgl. Schopenhauer: Die beiden Grundprobleme der Ethik).

Eiusdem Ordinis classis tertia:

Eine eingehende Vergleichung der Bevölkerungstheorie des Sir James Stewart in dessen Inquiry into the principles of political oeconomy (1767) mit denjenigen von Malthus.

His propositis argumentis, Commilitones humanissimi atque ornatis-

sumi, iam habetis in quo ingenia uestra exerceatis studiorumque diligentiam atque adsiduitatem nobis probare possitis. Eos autem, quibus sententia est hoc certamen inire, rogatos esse cupimus, ut scripta, quae perfecerint, adiuncta scidula obsignata, quae nomen auctoris contineat dictoque eodem quo scriptum, notata sit, ante Kalendas Augustas proximi anni cuiusque Ordinis Decanis tradenda curent.

P. P. Lipsiae die mens. Nouembris primo a. MDCCCLXIII.